
ՖՐԱՆՍԻԱԿԱՆ ՀԱՅԱԳԻՏՈՒԹՅԱՆ ՎԻԹԽԱՐԻ ԴԵՄՔԸ
ԵՎ ՀԱՅ ԺՈՂՈՎՐԴԻ ՄԵԾ ԲԱՐԵԿԱՍԸ
(Ֆրեդերիկ Ֆեյդիի ծննդյան 100-ամյակի առթիվ)

ԱԵԼԻՏԱ ԴՈԼՈՒԽԱՆՑԱՆ

Ֆրեդերիկ Ֆեյդին ծնվել է 1908 թ. ապրիլի 15-ին Փարիզում։ Միջնակարգ կրթությունը ստացել է Վերսալում, ուր նրա ուսուցիչն է եղել հոչակավոր բառարանագիր Գրանդսէյն դը Հոռենիվը, որը իին ֆրանսերենի բառարանի հեղինակն է։ Վերջինս ստեղծել էր իին լեզուներ ուսուցանելու սեփական մեթոդը, որով սովորեցնում էր աշակերտներին։

Ճակատագիրը Ֆեյդիին կապում է Հայաստանի ու հայ ժողովրդի հետ։ Հայերի մասին առաջին պատկերացումները կազմում է իրենց կողքին որպես հարևան ապրող հայերից և ծանոթանում է Դեմիքիրաշյանի հայ-ֆրանսերեն բառարանին ("Dictionnaire arménien – français")։ Նա սկսում է յուրացնել հայերենը՝ հետևելով Վերսալի դպրոցի իր ուսուցիչ մեթոդին, որով վերջինս իրենց սովորեցրել էր լատիներենը։ Շատ շուտով նա արդեն վարժ ձևով հասկանում էր քերականական օրենքները՝ առանց իրական լեզուն բավական իմանալու։ 1931-ին նա ֆրանսերեն է դասավանդում Սերի Սամվել-Սուրայյան հայկական վարժարանում։ Գրվում է Արևելյան լեզուների դպրոցում Ֆրեդերիկ Մակերի դասերին, դառնում նաև Միշել Տոնվալի աշակերտը, որը Անտուան Մելեխի փայլում սաներից էր։

1933-ին ստանալով Արևելյան լեզուների դպրոցի վկայագիրը՝ Ֆեյդին մեկնում է Վենետիկ, ուր որպես ֆրանսերենի ուսուցիչ աշխատում է Սուրադ-Շաֆայելյան վարժարանում։ Բայց այս անգամ նա չուներ նույն զբաղվածությունը, աշխատում էր տասնութ ժամ շաբաթական, մնացած ժամերը՝ ամեն օր կեսօրից հետո և երեկոները, ջանալիր աշխատում էր իտալերենի վրա ու շարունակում իր հետազոտությունները՝ նվիրված հայերենին։ Հենց այս տարիներին է նա սկսում հավաքել իր կյանքի վերջում հրատարակած հայ քրիստոնեական հմայիլների ժողովածուն։ Սուրբ Ղազար կղզու գրադարանում ընդօրինակում է 24 հմայիլների բնագրերը, հետո ընդհատում է այդ աշխատանքը, որովհետև հայր Աթանաս Տիրոյանը, ելնելով Ֆ. Ֆեյդիի նախասիրություններից ու զիտական հնարավորություններից, հրա-

¹ Ն. Ֆեյդիի կենսագրության փաստերը քաղել ենք մեր օրերի անվանի հայագետ Ժան-Պիեռ Մահեի հիշատակի խոսքից, բանասեր Լեոն Խաչերյանի հոդվածից և Հայկական սովետական հանրագիտարանից (համապատասխանաբար տե՛ս J e a n - P i e r r e M a h é. Hommage à Frédéric Feydit (1908–1911).—«Բազմավեպ», թիւ 3–4, Վենետիկ, 1991, էջ 514–521, և Խաչերյան Պոլիտեխնիկական հայագիտական աշխատությունները.—ՊԲՀ, 1963, №4, էջ 255–261, ՀԱՀ, հ. 12, Երևան, 1986, էջ 626)։ Կենսագրական որոշ փաստեր Փարիզից մեզ ուղարկել է լիբանանահայ անվանի գեղանկարիչ Հարություն Թորոսյանը, որին հայտնում ենք մեր խորին երախտագիտությունը։

հանգում է զրել արևմտահայերենի քերականություն: Վերջինս լույս է տեսնում 1935-ին Վենետիկում՝ բերելով հեղինակին Սուրբ Ղազարի ակադեմիայի անդամի պատվավոր տիտղոսը: Իսկ հայ քրիստոնեական հմայիլների քննական բնագրերը, նրանց մեկնարանումն ու ծանոթագրումը հայագետը հրատարակում է 1986-ին, երբ անցել էր վաստակած հանգում:



Ֆեյդիի համար Միկիթարյան միարանության ստեղծագործ մժնողորտում անցկացրած երեք տարիները մնում են անմոռաց: Նրան այդ տարիներին իրավուտում են միարանության ամենահեղինակավոր անդամները՝ հ. Եղիա Փեճիկյանը, Վարդան Արծրունին և հ. Հովհան Ավգերը: Հայր Ներսես Տեր-Ներսիսյանը «Հառաջ» պարբերականի 1983 թ. մարտի 3-ի համարում մի ցնցող հուշ է տպագրել այն մասին, թե ինչ բացառիկ տպագորություն է թողել ֆրանսերենի դասախոս Ֆեյդին իր աշակերտների վրա, որոնցից մեկն է եղել նաև ինքը: Այդ աշակերտների թվում են եղել նաև հետազայում Միկիթարյան միարանության անդամներ դարձած Եփրամ Ղազարյանը, Կոմիտաս Սանուլյանը և Պողոս Անանյանը: Վերջինս հետազայում դարձավ միարանության արքահայրը²: Միարանության անդամների հիացմունքը դարձավ անավի, երբ լույս տեսավ Ֆեյդիի հայերենի քերականությունը, որը ձեռքից ձեռք էր անցնում:

Ֆեյդին պատմել է իր հետ պատահած մի զավեշտալի պատմություն: Ընդհանրապես հայերը նրան անվանում էին «պարոն Ֆեյդի»: Սակայն տարիներ անց, իր “Manuel de langue arménienne” գրքի հրատարակելուց հետո հայագետն ստանում է հայերենով մի նամակ՝ ուղղված Ֆրեդ Զիտեմյանին, քանզի Ֆեյդին դասագրում հայերենով դրել էր նամակի մի օրինակ, որի տակ ստորագրված էր Տիգրան Զիտեմյան³: Ֆեյդին սիրել է այս դեպքը ծիծառով պատմել:

² Պողոս Անանյանը Վենետիկի Միկիթարյան միարանության արքահայր է եղել 1970-ից: Սովորել է Վենետիկի սուրբ Ղազարի վանքում, ապա Հռոմի Գրիգորյան համալսարանում ուսումնասիրել է փիլիսոփայություն և աստվածաբանություն: 1964-ից եղել է Վենետիկի Միկիթարյան միարանության ներկայացուցիչը Վատիկանում: Զքաղվել է Կորյունի և Դավիթ Անհաղթի երկերով, աշխատացել է Bibliotheca Sanctorum» վարքագրական ու վկայարանական տասներկու հատորանոց (1961–1969) և այլ հանրագիտարանների (տե՛ս ՀՀ Ա. Երևան, 1974, էջ 365):

³ Ահա այդ նամակը. «Տիգրաննեն նամակ մը Արշամին Կ. Պոլիս, 2 օգոստոս 1939

Միրելի բարեկամ,

Շատոնց կը փափագեի քեզի գրել բայց, շատ գործ ունենալով, միշտ կը հետաձգեի իմ թղթակցությունս: Շատ հոգնած եմ, սակայն անպայման ուղեղով քու լուրերդ ունենալ, ասս երկսողող կը գրեմ քեզի փոխանակ հանգչելու: Առանց քեզ մեղադրելու (որովհետև ես ալ՝ նույնպես հանցավոր եմ), կը ցավիմ որ զիս այսպես առանց լուրի կը ձգես:

**Ֆ. Ֆեյդին շերմ բարեկամական կապեր է հաստատում հայ ժողովրդի երախ-
տավոր ու բազմավաստակ զավակներից մեջի՝ Արշակ Չոպանյանի հետ, որի շան-
քերով կազմակերպված զիտաժողովին (1938 թ.) հանդես է զայխ Հեթում Պատմիչից
երկին նվիրված զեկուցմամբ ("Fleur des Histoires de la terre d'Orient"- «Ծաղիկ պատ-
մութեանց Արեւելեան աշխարհի»): Այդ զեկուցումը հրատարակվում է «Անահիտ»
պարբերականի թիվ 2 մատենաշարում՝ 1939-ին:**

**Ֆ. Ֆեյդիին բարձր էր զնահատում նրա ուսուցիչը՝ նշանավոր հայագետ Ֆրեդե-
րիկ Մակլերը՝ նրան կոչելով «Ֆրեդերիկ Երկրորդ» և հաճախ չարաձի հումորով
ավելացնում էր:» Երբեք մի մոռացեք, որ նա Ֆրեդերիկ Առաջինը չէ՝ կոչված Մեծ,
այլ միայն Ֆրեդերիկ Երկրորդը»⁴:**

1949-ից Արեւելյան լեզուների դպրոցում Ֆ. Ֆեյդին նախ դառնում է հայագիտա-
կան ամբիոնի փոխարինող-դասախոս, այնուհետև ամբիոնի վարիչ, այդ պաշտ-
նում աշխատում է մինչև 1977 թվականը: 1970-ից մինչև 1982-ը նա նախընտրում է
զուգահեռաբար աշխատել որպես Սևրի Սամվել-Սուրայյան վարժարանի քաղա-
քացիական տնօրեն: Այս որոշումը պայմանավորված էր նրա մեծ պատասխա-
նատվությամբ ու նվիրումով դեպի հայագիտությունը:

**Ֆ. Ֆեյդին առաջին անգամ Խորհրդային Հայաստան է այցելել 1963-ին: Հետա-
գայում բազմից այցելում է Հայաստան՝ զինված կինոհիմքի կով, ֆոտոապարատով
և ձայնագրիչով: Նա նկատում ու ձայնագրում է իր համար հեռվից հարազատ
դարձած երկրի պատմական հուշարձաններն ու մարդկանց: Նրան հիացմունք է
պատճառում Գառնիի տաճարը, որի մասին կարդացել էր⁵ Սովոր Խորենացու
«Հայոց պատմության» մեջ⁶: Ժան-Դիեռ Սահեն գրում է, թե որքան դժվար էր օտա-
րերկրացիների համար այցելել Խորհրդային Հայաստան, սակայն Ֆ. Ֆեյդին հաղ-**

Կը հուսամ որ բարի առողջություն կը վայելես և քու գործերդ աղեկ են: Քու բոլոր բարեկամներդ
աղեկ են, բացի Հայկեն, որ սուկալի հարբուի է:

Ես ալ բավական անհանգիստ եմ: Անհն զ եղիր սակայն, մեր այս անհանգստությունները թեթև և
անցողական են:

Միջազգային բաղաքականության լուրերը անշուշտ քեզի ալ ծանոթ են. բավական ծանր են. ըստ
հանրային կարծիքին պատերազմը անխուսափելի է: Մինչև ո՞ր պիտի տիրեն պատերազմն ու
թշվառությունը: Տեր ողորմա:

Իմ ծնողներս՝ զքեզ իբրև հարազատ որդի մը կը համբուրեն, իսկ ես, քու բարի լուրերուդ
սպասելով՝

Կը մնամ քեզ հիշող
ՏԻԳՐԱՆ ԶԻՏԵՍՅԱՆ» (տէ ։ F. F e y d i t . Manuel
de langue arménienne. Paris, 1969, p. 129–130):

⁴ J e a n - P i e r r e M a h é. Hommage à Frédéric Feydit, p. 516.

⁵ Մեզ բախտ է վիճակվել լսել նրա ընտիր հայերենով կարդացած զեկուցումը և. Արովյանի
անվան հայկական պետական մանկավարժական ինստիտուտի ուսանողության և դասախոսական
կազմի համար: Ինստիտուտի մեծ դահլիճը չէր տեղափորել բոլոր ունկնդիրներին, շատերը կանգնած
լուսմ էին դահլիճի միջանցքներում և բաց դռների մեջ: Ֆեյդիի զեկուցումը նվիրված էր «Սասունցի
Դավիթ» էպոսին:

⁶ Այն ժամանակները Տրդատն ավարտում է Գառնիի ամրոցի շինությունը տաշած որձաքար
բարերով, որոնք ազուցված էին երկաթե զամերով և բարձրաքանդակներով, իր Խորովիդրուխտ քոչ
համար և նրա վրա գրում է իր հիշատակը հունարեն գրերով (տէ ։ U n q u e l և ե ս և լ ո ր է ն ա ց ի հ.
Հայոց պատմություն, F, 7):

թահարում է բոլոր արգելքները, տեսնելու համար այն երկիրը, որն այնքան սիրել էր:

Ֆեյդիի վրա խոր տպավորություն է թողել 1915 թ. սարսափելի եղեռնից հետո վերածնված Հայաստանը: Նրան հիացմունք է պատճառել Գիտությունների ակադեմիան՝ իր բոլոր ինստիտուտներով, Երևանի պետական համալսարանը, մյուս բուհերը և առաջին հերթին Սաշտոցի անվան հոյակապ Մատենադարանը: «Ասկե հիսուն տարի առաջ, – ասել է նա Գիտությունների ակադեմիայի նիստերի դահլիճում ունեցած իր ելույթում, – ո՞վ կարող էր երևակայել, թե այսպիսի կարճ ժամանակամիջոցի մը մեջ կվերածնվի Զեր երկիրը այնպէս, որ Հայաստանի հողի վրա ստեղծված կրլա Հայկական գիտություններու ակադեմիա մը՝ գիտնականներու իր պատկառելի բանակով: Այս երկու բառերու «հայկական» և «ակադեմիա» բառերու զուգակցումը բազմանշանակալի է ինձի համար, որպէս Զեր անցյալի պատմությունը իմացողի»⁷:

Իր առաջին այցելության ընթացքում Ֆեյդին ձեռագրեր է համեմատել Մատենադարանում, դասախոտություն կարդացել «Հայագիտությունը Եվրոպայում» թեմայով, ծանոթացել և կապեր հաստատել Հայաստանի այն գիտնականների հետ, ովքեր հայագիտության բնագավառում ձեռք են բերել լուրջ նվաճումներ: Իր տպավորությունները մի զրոյցի ժամանակ ամփոփել է հետևյալ ձևով. «Արևմուտքի մեջ հայերու կողմէ հայագիտության մշակումը առնվազն նվադելու վրա է. առաջզայ խանդով չեն զրադիր: Բայց ատիկա իրենց հանցանքը չէ, որովհետև կյանքի պայմանները թույլ չեն տար զրադիկու. մեծ մասամբ ուսուցչությամբ կը զրադիր և հետազոտական աշխատանքներ չեն կրնար ընել: Բարեքախտարար Հայաստանը ճիշտ ժամանակին բռնեց հայագիտության ջահը, այստեղ ալ հայագիտությունը, ծաղկեցավ: Պետք է ըսեմ, որ հայագիտության այս բացառիկ արտադրությունը թե բանակի և թե՝ որակի տեսակետով ինձի զգարմացուց, թեն չէի ստանար զիրքեր, բայց գիտեի, որ հայագիտությունը այստեղ իր արժանի տեղը գտած է: Այնպէս որ, եթե զարմացած չմնայի, ապա զմայլած՝ անպայման: Խսկապէս հայագիտությունը այստեղ կմշակվի ճիշտ այնպէս, ինչպէս ֆրանսագիտությունը Ֆրանսիայի մեջ, զերմանագիտությունը՝ Գերմանիայի մեջ – հավասար կերպով»⁸:

Ժան-Պիեռ Մահեն նշում է. «Ֆրեդերիկ Ֆեյդիի գիտական գործը բաղկացած է վեց զրքերից և մի քառասնյակ հողվածներից (”L’œuvre savante de Frédéric Feydit se compose de six livres et d’une quarantaine d’articles”)»⁹: Նա հասուլ շեշտում է, որ չնայած այդ զրքերն ու հողվածներն ունեն տեսական բնույթ, սակայն դրանց գործնական ու կիրառական արժեքը չափազանց մեծ է:

Բանասեր Լեռն Խաչերյանն իր հողվածում Ֆրեդերիկ Ֆեյդիի գիտական ժառանգությունը (դեռևս նրա կենդանության օրոք) բաժանում է չորս խմբի՝ պատմագիտական հետազոտումներ, լեզվաբանական աշխատություններ, գրականագի-

⁷ Լ. Խ ա չ է թ յ ա ն. Պրոֆեսոր Ֆրեդերիկ Ֆեյդիի հայագիտական աշխատությունները, էջ 261:

⁸ Նույն տեղում:

⁹ «Բազմավեպ», 1991, № 3-4, էջ 517:

տական երկեր, հայ բանահյուսության վերաբերյալ ուսումնասիրություններ և թարգմանություններ¹⁰:

Ֆեյդին գրաղվել է Հեթում Պատմիչով և Փավստոս Բուզանդի «Հայոց պատմության» հետ կապված որոշ վիճելի խնդիրների ճշգրտումներով: Հատկապես երկու մեծարժեք հողված է նվիրել Փավստոսի երկին:

1) "Un passage enigmatique de Fauste de Byzance" («Փավստոս Բուզանդի մի մթին հատվածը»)¹¹, 2) "L'Histoire de Fauste de Byzance comprenait-elle deux livres aujourd'hui perdus?" («Փավստոս Բուզանդի Պատմությունը պարունակել է այսօր կորած երկու գրքերը ևս»)¹²:

Հարուստ են Ֆեյդիի հայերենին վերաբերող լեզվաբանական աշխատությունները: Դրանց մեջ կարեռագույնը նրա արևմտահայերենի դասագիրքն է՝ "Manuel de langue arménienne. Dialecte occidental" (1948, 1969): 1952, 1953 թթ. հետարքիր հողվածներ է գրել նախդիրների և ժամ անակի համաձայնության մասին ("Remarques sur l'emploi des articles partitif et indéfini"—»Դիսողություններ մասնական և անորոշ հողերի գործունեության վերաբերյալ», "Articles en Arménien moderne occidental"—«Հողերը արդի արևմտահայերենում»¹³, "La concordance des temps subjonctif"—«Սոորադասական ժամանակների համաձայնությունը»): Բազմաթիվ հողվածներ է նվիրել հայոց այրութենին և նրա հեղինակին՝ Մեսրոպ Մաշտոցին¹⁴: «Բազմավեպում» լուս են տեսել նրա տետրակները՝ նվիրված հայերենի քերականության տարբեր խնդիրներին (տե՛ս «Բազմավեպ», 1952, 1956, 1967, 1969, 1976): Նա գրել է նաև հայ բարբառների մասին:

Ֆեյդին Ֆրանսիայում լուս տեսած "Clarté" («Պայծառություն») հանրագիտարանում (1957 թ.) գրել է "Litterature arménienne" («Հայ մատենագրություն») հողվածը, «Բազմավեպի» տարբեր համարներում գրաքննադատական ծավալուն հողվածներ է նվիրել Հակոբ Պարոնյանի և Երվանդ Օսյանի երգիծանքին՝ նրանց ստեղծագործությունները դասելով եվրոպական լավագույն երգիծաբանների երկերի շարքում: Հայագետը գրել է "La litterature arménienne du XII^e au XVIII^{es}" («Հայ մատենագրությունը XII–XVIII դարերում») աշխատությունը, որն անտիպ է¹⁵:

Ֆեյդին եղել է առաջնակարգ բանագետ: Նա հանգամանալի գրել է հայոց երկու վեպերի՝ պատմահայր Խորենացու հաղորդած վիպասանքի և «Սասունցի Դավիթ» էպոսի մասին, որը ֆրանսերեն թարգմանել է ու հրատարակել 1964-ին Փարիզում: Երբ ավարտել է էպոսի թարգմանությունը և տեսել նրա հրապարակված բնագիրը, հայ ժողովրդական ոգուն հոգեհարազատ ձևով հրապարակայնորեն հայտարարել է՝ «Մուլազիս հասա»¹⁶:

¹⁰ L. Խ ա չ ե ր յ ա ն ն նշվ. հողվ., էջ 256, 257, 259, 260:

¹¹ «Բազմավեպ», 1957, № 11–12, էջ 282–284:

¹² «Բազմավեպ», 1958, № 6–7, էջ 140–143:

¹³ «Բազմավեպ», 1952, № 7–9:

¹⁴ Այս մասին հասուն անդրադարձ կլինի իր տեղում:

¹⁵ L. Խ ա չ ե ր յ ա ն ն նշվ. հողվ., էջ 260:

¹⁶ «Բազմավեպ», 1991, № 3–4, էջ 520:

Նա եղել է նաև Հայ դատի եռանդուն պաշտպանը: Դրա վկայությունն այն փայլուն գեկուցումն է, որ կարդացել է Բրյուսելի թագավորական ակադեմիայում հայոց ցեղասպանության 50-ամյա հիշատակի ոգեկոչման ժամանակ: Մեծ հայագետը շարունակաբար թղթակցել է «Բազմավեպ», «Հանդես ամսօրյա», «Զվարթնոց», ինչպես նաև ելրոպական լեզուներով հրատարակվող գիտական պարբերականներին:

Ժան-Պիեռ Մահեն իր ուսուցչին՝ մեծ հայագետին, նվիրված երախտագիտական ծավալուն խոսքում գրում է, որ 1972–1975 թվականներին Արևելյան լեզուների իր դասընթացի երեք տարիների ամենատպավորիչ պատզամբ, որ մնացել է Ֆրեդերիկ Ֆեյդիից, այն անմնացորդ սերն է, որ հայագետն ուներ Հայաստանի, նրա լեզվի, նրա ժողովրդի, նրա բոլոր դարաշրջանների մշակույթի նկատմամբ¹⁷:

1964-ին ֆրանսիական նշանավոր Գայիմար հրատարակչությունը լույս աշխարհ բերեց հայ ժողովրդական էպոսի «Սասունցի Դավթի» Ֆեյդիի կատարած ֆրանսերեն թարգմանությամբ¹⁸: Այս աշխատության մեջ ֆրանսիացի հայագետը պահպանել է ակադեմիկոս Հովհեն Օրբելու 1939-ին՝ էպոսի հազարամյա հորելյանի առիթով պատրաստած համահավաք բնագրի առաջարանը, որին կցել է իր սեփականը՝ չափազանց ուշագրավ և մեծարժեք: Ֆ. Ֆեյդիի նախաբանից իմանում ենք այն իրողությունը, որ «Սասունցի Դավթի» ֆրանսերեն թարգմանությունը իրականացվել է ՅՈՒՆԵՍԿՕ-ի և Խորհրդային Միության ազգերի հանձնախմբի առաջարկով, որի նպատակն էր Արևմուտքի ընթերցողներին ծանոթացնել հայ գրականության գլուխգործոցներից մեկին՝ «Սասունցի Դավթ» ժողովրդական վեպին: Նման որոշումը հայագետին պարզել է միայն հոգեկան բերկրանք, և նա իր գործին լծվել է մեծագույն պատասխանատվությամբ ու խանդակառությամբ: Ֆ. Ֆեյդին արդեն երեսնական թվականներից խորամուխ էր եղել հայագիտության մեջ և հանրագիտակ ու նվիրյալ հայկաբաններից էր: «Սասունցի Դավթ» էպոսի առաջարանից և բնագրի գրեթե բոլոր էջերում գետեղված մանրակրկիտ ծանոթագրությունը պարզություններից պարզորդ երևում է նրա խոր ծանոթությունը հայ էպոսագիտության նվաճումներին, հայ ժողովրդի պատմությանը, հայ պատմչներին, ժողովրդական բանահյուսությանը, հայ միջնադարյան մատենագրությանն ընդհանրապես: Նա Արևմուտքի ընթերցողին զգուշացնում է, թե հայ ժողովրդական էպոսի լույսը նձայումը նրան չշփռեցնի, կարծել տալով, թե հայ գրականությունն ուրիշ երեկոյի ստեղծագործություն չուներ Արևմուտքի ընթերցողին առաջարկելու, բոլորովին՝ ոչ հայ գրականությունը ունի տասնինգ դարերի գիտական հարստություն պարունակող մատենագրություն: Ֆ. Ֆեյդին տեսնում է հեթանոսական ժամանակների արմատները «Սասունցի Դավթ» էպոսում, որոնք զանազան փոփոխությունների են ենթարկվել բանավոր ավանդման ձևով և հասել են մինչև XIX դար՝ իրենց մեջ պահպանելով իին վիպասանքի որոշ բնդիանուր գծերը:

¹⁷ Նույն տեղում, էջ 521:

¹⁸ Caucase, Collection unesco d'œuvres representatives, David de Sassoun, Épopée en vers, traduit de l'Arménien avec une introduction et des notes de Frédéric Feydit, professeur à l'école nationale des langues orientales vivantes, préface de Joseph Orbéli de l'Académie des sciences de l'union des républiques socialistes soviétiques. Gallimard, 1964.

Ֆ. Ֆեյդին առանձնացնում է պատմական այն շերտերը, որոնք և կազմել են «Սատունցի Դավիթ» էպոսի ժամանակային հիմքը: Նրանում կան հայերի պայքարը արարական իսլամիաթի և Եզիզտոսի մելիքների դեմ, արտացոլված են հարաբերությունները խաչակիրների ու բյուզանդական կայսրերի հետ: Դա երևում է Զմշկիկ Սուլթանի և նրա աղջկա միջոցով Դավիթին սպանելու դրվագում: Ֆեյդին նկատում է, որ Զմշկիկ անունը էպոսում մտել է բյուզանդական հայազգի կայսր Զմշկիկի պատճառով:

Հայագետը համոզված է, թե մեծ կապ կա «Սատունցի Դավիթ» էպոսի և Սովորեանցու օգտագործած հին վիպասանքի միջև, որովհետև բազմաթիվ թեմաներ դրանցում բաղդատելի են:

Ֆեյդին տիփարանական չափանիշներով բնութագրում է Սասնա ծոերին: Նրանք հաճախ կոչվում են «ծոեր»: Իրենց ծննդյան օրից սկսած՝ այս դյուցագունները մեծանում են գերբնական ձևով: Նրանք մի օրում մեծանում են այնքան, որքան մյուս երեխաները մեկ տարում: Իր առաջին տարիներին Դավիթը խաղում է իրեն հասակակից երեխաների հետ: Նա պարզամիտ է, բայց չափազանց ուժեղ, և նրա խաղը ընկերների համար դառնում է ողբերգություն: Դավիթը իր թևին կրում է «Խաչ Պատերազմին», որը մի կախարդական-հոգևոր խալիսման է:

Սասնա դյուցագունների իդեալը ազատությունն է, որը պետք է իրենց, իրենց ժողովրդին, ողջ մարդկությանը: Դավիթն այլ ժողովուրդների մոտ էլ կատարում է ձնշվածներին պաշտպանելու սրբազն գործը: Սակայն նա երբեք չի զայթակրդվում նստելու որևէ երկրի զահին, թեև այդ առաջարկը նրան արվում է: Դավիթն ունի ժողովրդական վարքազիծ: Նա և մյուս Սասնա ծոերը կատարում են շատ համեստ աշխատանքներ, մտերմանում են հասարակ մարդկանց հետ, օգնում են հոգ-նած զյուղացիներին, նույնիսկ եթե նրանք ճանապարհին հանդիպած օտարականներ են:

Առաջարանի վերջում **Ֆ. Ֆեյդին** խոսում է «Սատունցի Դավիթ» էպոսի պոետիկայի մասին: Էպոսի պատումը ներկայանում է հանգավորված, որում կան երգվող հատվածներ: Էպոսը բարձրարվեստ է, նրանում բնորոշումները նրբանկատ են, կան հուզակ հատվածներ, օրինակ, Դավիթի հրաժեշտը: Կան երգիծական անձեր, ինչպես Յոան Վերգոն, Քենի Թորոսը՝ իր փոփոխական բնավորությամբ, կան սպանիչ ծաղրի հատվածներ, ինչպես արար կանանց դիմումը Կողբաղնին: Էպոսը հիացմունք է պատճառում իր պարզությամբ ու բարությամբ:

Ֆեյդին հավատացնում է, որ ինքը բառ առ բառ ճշգրտությամբ փոխարկել է էպոսը ֆրանսերենի պարտավորված լինելով չսխալվել և չկորցնել այն գեղեցկությունը, որը դեպի իրեն կձգի ամեն մի ընթերցողի: Նա խորին հարգանքով է խոսում համահավաք բնագրի հեղինակների մասին, որոնք առաջնակարգ գործ են կատարել, էպոսը քննել են մանրակրկիտ ձևով: **Ֆ. Ֆեյդիի** կատարածը անթերի է թե՝ թարգմանական, թե՝ բանահրական-մեկնաբանական առումով: Յուրաքանչյուր էջի տակ գետեղված մանրակրկիտ ծանոթագրություններն անսահման հեշտացնում են էպոսի ընկալումը: Այդ ծանոթագրությունները կարող են դառնալ առանձին ուսումնասիրության նյութ: Ֆեյդին շատ հաճախ ծանոթագրություններում կատարում է համահավաք բնագրի և «Սասնա ծոեր» էպոսի տարբեր պա-

տումների բնագրերի բաղդատումը: Նա հմտորեն է բացատրում բազմաթիվ հայերեն դարձվածների խմասոր և դնում դրանց ֆրանսերեն կամ այլ լեզուներով հայտնի համարժեքները: Բերենք երկու օրինակ (էջ 170). "Une jeune fille, une vraie houri de feu": Ֆեյդին բացատրում է, որ գեղեցկության համար հայերենում հուրի-հրեղեն ասվածը նշանակում է գերբնական գեղեցկության տեր կին-էակ (էջ 177). "Il se firent des coupures aux doigts et m'Ulirent leurs sangu": («Նրանք կտրում են մատները և խառնում են իրենց արյունը»): Ֆեյդին բացատրում է: *Sէս այս ծեսի նկարագիրը Տակիտոսի Տարեգրություններում, XII, 47, Հռադամիսի և հայոց արքա Միհրդատի միջն և այլն, և այլն:*

Ուստեն Ռոլանը նիդեռլանդական էպոսի¹⁹ Շառլ դը Կոստերի «Լեզենդ Տիլ Ուլենշպիցելի» երկի համար գրված առաջարանում նկատում է, թե ֆլամանդացիների ազգային երգում շեշտվում է լուսի մեջ ապրելու գաղափարը, որ այդ էպոսը մարդու և ժողովուրդների ազատության էպիկական ձայնն է: Նույնը կարող ենք ասել «Սասունցի Դավիթ» էպոսի ֆրանսերեն բնագիրն ընթերցելուց հետո²⁰:

Ֆ. Ֆեյդիի հայագիտական կոթողային աշխատություններից է «Քրիստոնեական Հայաստանի հմայիլները», որի վրա հեղինակն աշխատել է շուրջ հիտուն տարի, այսինքն՝ գիտական ողջ կյանքի ընթացքում: Իր հետազոտության առաջարանի փոխարեն, դրված գեկույցի վերջում, նա իր պարտքն է համարում ընթերցողին որոշակի տեղեկություններ հաղորդել, թե ինչու այս գիրքն այդքան տարիներ հետո է լուս աշխարհ եկել: Հմայիլների ձեռագրերի արտագրումը սկսել է 1933–34 թթ. ձմռանը, երբ գտնվում էր Սուրբ Ղազար կղզում: Հետո Միհրայրան միարանության անդամ Եղիա Փեշիկյանը ներշնչում է նրան գրել հայերենի քերականություն, որն ինքն անմիջապես իրականացնում է: Այդ փոքրածավալ քերականությունը լուս է տեսնում 1935-ին²⁰: Այնուհետև հանգամանքների բերումով Ֆեյդին հայկական հմայիլներին վերստին անդրադառնում է միայն երկրորդ աշխարհամարտից հետո: Նա սկսում է հմայիլների նյութերը քաղել Փարիզի ազգային գրադարանից: Դեպքերի բերումով աշխատանքը վերստին կանգ է առնում, որովհետև նախընտրում է աշխատել ու հրատարակել հայոց լեզվի դասագիրքը, որից հետո – ել նոր ընդհատումը բացատրվում է «Սասունցի Դավիթ» էպոսի թարգմանության ու ծանրթագրման հետ կապված վիթխարի աշխատանքի հետ: Ահա այդ բոլորից հետո – միայն «Գալուստ Գյուլբենկյան հիմնադրամի» հովանավորությամբ լուս աշխարհ է եկել այս հասորը, որի վրա ընդհատումներով աշխատել է մոտկեսդար: «Քրիստոնեական Հայաստան հմայիլները» գիրքն ունի «Հաղորդում», «Ձեռագրացուցակ», «Հմայիլների քննական բնագրեր» կարևոր բաժինները: Առաջարանի փոխարեն գրված գեկույցում հայագետը ներկայացնում է հմայիլների ժանրը, հարցի պատմությունը, որին հավելում է իր կատարածը: Ըստ նրա գրքում գետեղված հմայիլները, բացի մեկից, գրված են եղել փարարշված թղթի ձևով, դրանցում կան կայուն բանաձեռք, որոնցով միջնադարում փորձում էին պայքարել չար աշքի, դժբախտ դեպքերի ու հիվանդությունների դեմ: Այդ «հասուկ գրությունները»

¹⁹ Charles de Coster. La légende et les aventures heroiques, joyeuses et glorieuses d'Ulenspiegel et de Lamme Goedzak au pays Flandres et ailleurs. Moscou, 1979, p. 22.

²⁰ F. Fydrit. Amulettes de l'Arménie chrétienne. Venise, st. Lazare, 1986, p. 16.

կախում էին զգից, թևից, այն կարող էին այրել ու մոխիրը ներշնչել, կամ մոխիրը լցնել ջրի մեջ, այնուհետև այն խմել: Այն հմայիլները, որոնք հանդիպել են հայագետին, ունեցել են քանի հնագ մետք երկարություն և տասներկու սանտիմետր լայնություն: Դրանք կարող էին պահվել գրպանում:

Ֆեյդին առաջին հերթին օգտվել է Վենետիկի Մխիթարյան միարանության ձեռագրերից: Այնտեղ կային քանչորս ձեռագիր հմայիլներ: Դրանցից քաներկուսը փաթաթված, ոլորուն ձևով էին, մեկը տպագրված դարձյալ ոլորուն, իսկ մեկը քառակուսի ձեռագիր էր, բաժանված չորս քառակուսիների, դրանք իրենց հերթին բաժանված էին ույթ եռանկյունիների, իսկ բոլորի կենտրոնում կլոր շրջան էր: Սուրբ Ղազար կղզու ձեռագրերը, որոնք պարունակում են հիշատակարաններ, ունեն հետևյալ թվականները՝ 1677, 1680, 1690, 1693, 1703, 1710, 1713, 1715, 1742, 1760, 1779, 1808: Այն ձեռագրերը, որոնք լրիվ չեն և չունեն հիշատակարաններ, պետք է որ լինեն միևնույն ժամանակահատվածի: Տպագրված հմայիլները 1709 և 1731 թվականների են:

Ֆեյդին օգտվել է նաև Փարիզի ազգային գրադարանում պահվող նույնատիպ վեց ձեռագրերից: Դրանցից երեքն ունեն տարեթվեր՝ առաջինը 1743, երկրորդը՝ 1766, իսկ երրորդի տարեթիվը ջնջված է:

Նա հատուկ ակնածանով է հիշում իր պաշտելի ուսուցչի՝ Ֆրեդերիկ Մակլերի ազնվագրմ կնոջը, որը նրան հանձնել է հմայիլների երկու ձեռագիր: Մի ձեռագիր էլ նա ձեռք է բերել Կոստանդնուպոլսում եղած ժամանակ: Այդ ձեռագրերից ոչ մեկը չունի ավարտի հատվածը: Այդ ձեռագրերը ևս ստեղծված են XVII, XVIII և XIX դարերում:

Ֆեյդին հայտնի են նաև ավելի վաղ ժամանակների հմայիլների ձեռագրեր: Դրանցից մեկի նկարագրությունը կա Վիեննայի Մխիթարյանների գրադարանում 433 համարի ներքո և գրված է 1476-ին: Այդ մասին վկայում է հայր Հակոբոս Տաշյանը²¹: Նա հիշում է նաև մեկ այլ ավելի հին ձեռագիր, որի մասին տեղեկացրել է հայր Վարդան Հացունին պրոֆեսոր Թեզայից: Այդ ձեռագիրը գրվել է 1447-ին և, փաստորեն, պահպանված ձեռագրերի մեջ հնագույնն է Արևմուտքում²²:

Ֆեյդին իր հետազոտությունը գրելիս օգտվել է տպագիր բազմազան աղբյուրներից: Հատկապես օգտագործել է Հովհան Մանդակունու «Թուղթ վասն հմայից դիւ-

²¹ Նույն տեղում, էջ 6:

²² Մաշտոցի անվան Մատենադարանում կան բազմաթիվ ձեռագրեր, որոնք XV դարից են զայխ և ունեն հմայիլներ: Դրանցից են թիվ 716, 2001, 2072, 3248, 2145, 4600, 2562, 5951, 6319 և այլն: Կան նաև XIII–XIV դդ. ձեռագրեր, որոնք ունեն հմայիլներ: Դրանցից մեկն է թիվ 5473 ձեռագիրը, որը պարունակում է նաև հմայագիր ու գրված է XIV դարում: Իսկ 1290 թ. Ակլոնայի վանքում գրված Ավետարանը վերջում ունի նաև հմայական հատված՝ «Աղօթք երաշտի» (ձեռագիր 2630): Հետաքրքիր է, որ բավական թվով հմայիլներ գետեղված են Գրիգոր Տաթևացու «Քարոզզրի» հետ (օր. ձեռ. 2145): Իսկ 1373, 1480 թթ. գրված թիվ 2001 ձեռագիրը մի ժողովածու է, որի ճանաչողական արժեքը շատ մեծ է: Նրանում կան ոչ միայն հմայիլներ, այլև ամենաբազմազան նյութեր, որոնք ներկայացնում են XIV–XV դդ. հայ հոգևորականության, ինչպես նաև գրել կարդալ իմացող մարդկանց հետաքրքրությունների շրջանակը: Ձեռագիրը գրված է Աղթամարի վանքում (տե՛ս Յուղական աշխարհի անվան Մատենադարանի, հ. Ա, կազմեցին՝ Օ. Եղանյան, Ա. Զեյթունյան, Փ. Անթարյան, ներածությունը՝ Օ. Եղանյանի, խմբագրությամբ Լ. Խաչիկյանի, Ա. Մնացականիյանի, Երևան, 1965, էջ 695):

թականաց եւ անօրէն յուլոթողաց» ճառը, ինչպէս նաև հայր Վարդան Ճացունու «Երդմունք հին հայոց մէջ» գիրքը: Հայագետի կարծիքով Մաշտոցի անվան Մատենադարանում էլ պահլող ձեռազիր հմայիլների հնագույն օրինակները զալիս են XV դարից: Նա անհնար է համարում գտնել որևէ թվական և ասել, թէ հենց այդ ժամանակից հմայիլները մտան գործածության մէջ: Սակայն կա վավերական փաստ, որ դրանք զալիս են հինգերորդ դարի երկրորդ կեսից, և այդ փաստերը կապվում են այդ ժամանակի հայոց կաթողիկոս Հովհան Մանդակունու հետ: Նրա ճառերից իմանում ենք, որ հենց հինգերորդ դարում հայերն օգտագործել են «զիր պահարան»: Մանդակունին իր ԻԶ (26) ճառն ամբողջությամբ նվիրել է կախարդական նման երևույթներին: Իսկ ովքե՞ր են այս զիր-պահպանակների հեղինակները, հարցնում է հայագետը, և դրա պատասխանը ևս գտնում է Հովհան Մանդակունու ճառի մէջ, որը ասվում է, թէ դրանց մէջ կան հոգևորականներ, որոնք դիմում են կախարդներին, իրենց վզից կախում նրանց գրած հմայիլները: Նա բացատրում է նաև, թէ ինչու կախարդական հատկություններ ունեցող գրի այդ տեսակը պետք է տարածվեր: Մարդիկ կարիք ունեին ապահովության և հեշտորեն հավատում էին, որ յուրաքանչյուրը պետք է ունենա իրեն օգնող իր սեփական թալիսմանը: Ֆեյդին նկատում է նաև թալիսմանի բնագիրն արտագրող գրիչների անզրագետ լինելու հանգամանքը, որի պատճառով շատ տեքստեր աղավաղվել են ու աղձատվել: Օրինակ, ձեռագրերից մեկում կարդում ենք՝ «Արար որդի Քարմեայ», մինչդեռ այս սիսալի հետևանք է, և պետք է լինի՝ «Արքայ որդի քրմի»²³: Հայագետը չի հանդգնում բոլոր բնագրերը ուղղել կամ ծանոթագրել, որովհետև դրանցում այնքան շատ են անհասկանալի տեղերն ու հավելումները, որ նպատակահարմար է դրանք ներկայացնել նախնական ձեռագրական տեսքով: Բնագրերը դասակարգելիս նա ի նկատի է ունեցել բովանդակային որոշ խնդիրներ, ինչպէս, օրինակ, Աստված, Հիսուսը, հավատի խնդիրներ, Սուրբ Կույսը, Առաքյալները, Սրբերը և այլն: Կան նաև որոշ խմբավորումներ քատ հմայիլի բովանդակության պահպանում ատամնացավից, աչքացավից, որդեծնության ժամանակ եղող վտանգներից, չար աչքից, բնական աղեստներից և այլն: Նա նկատում է, որ հմայիլներում կան սիեմատիկ բովանդակային կրկնություններ՝ ա) Օգնական եւ պահպան եղիցի ծառայիս - Աստուծոյ...ամէն, բ) Նոյն բժշկութիւն եղիցի ի Յիսուսէ Քրիստոսէ ծառայիս - Աստուծոյ...ամէն:

Ֆեյդին շեշտում է, որ հայ քրիստոնեական հմայիլներում մէծ տեղ են զբաղեցնում ավետարանական հատվածները, որոնց նպատակն է պաշտպանել հմայիլի տիրոջը: Նա բերում է իր իրատարակած հմայիլների և Ավետարանի միջև եղած նոյնությունների պատկերը: Ահա դրանցից մեկը՝ ամլությունը, որը դիտվում է որպէս ծանր երևույթ, որպէս ավետում, հայտարարվում է իրեշտակից Մարիամին նրա հոյի լինելը, նշելով նաև, որ հոյի է նաև նրա ազգական Եղիսաբեթը՝ իր ծեր հասակում, որովհետև Աստծու համար անկարելի բան չկա: «Իսկ Մարիամը իրեշտակին ասաց. «Ինչպէ՞ս այդ կը պատահի ինձ, քանի որ ես տղամարդ չեմ ճանաչում»: Հրեշտակը պատասխանեց և նրան ասաց. «Սուրբ Հոգին կը զա քո վրա, և Բարձ-

²³ F. F e y d i t. Amulettes de l'Arménie chrétienne, p. 8.

րեալի զորությունը հովանի կը լինի քեզ, որովհետև նա, որ քեզնից է ծնվելու, սուրբ է և Աստծու որդի կը կոչվի: Եվ ահա քո ազգական Եղիսաբեթը. նա ևս հղի է իր ծերության մեջ, և այս հղության վեցերորդ ամիսն է նրա, որ ամուլ էր կոչված. որովհետև Աստուծո համար անկարելի բան չկա»²⁴:

Ֆեյդին զրում է, որ հմայիլներում առկա են աղոթքներ, որոնք բաժանում է երկու խմբի՝ այ քրիստոնեական կանոնական աղոթքներ, բ) զուտ հայկական աղոթքներ:

Ֆեյդին նկատում է, որ հմայիլների լեզուն, բնականարար, դասական է: Սակայն այդ լեզուն ունի թերություններ, որովհետև հմայիլների բնազրերը կազմվել են մեծ մասամբ ցածրաստիճան հոգևորականների կողմից: Բնազրերում կան բազմաթիվ սիսալներ, որոնք արդյունք են գրեթե գրել-կարդալ չիմացրողների արտազրության: Կան նաև դեպքեր, երբ գրիչը չի իմացել ուղղագրական կանոնները, և դա էլ հասցրել է կոպիտ սիսալների այսպես, ցալոց բառն աղավաղվել է և դարձել ցօնց, վիմագլոր՝ վիմայգոր, օրինեալ՝ ոռթնեալ և այլն: Վերջապես, հիշատակարանները գրվել են հմայիլը ստեղծողի կամ օգտագործողի լեզվով և շատ հեռու են դասական լեզվից: Հայագետը նշում է նաև, որ կախարդանքը չի ճանաչում սահմաններ՝ ոչ ազգային և ոչ էլ կրոնական, այդ իսկ պատճառով դրանցում կարելի է հանդիպել թուրքերեն, արաբերեն, քրդերեն բառեր: Հայկական հմայիլների ներսում կարելի է հանդիպել կրոնակախարդական բանաձևեր, որոնք ոչ միայն հայկական են, այլ կան նաև այլ ժողովուրդների՝ հրեաներ, մահմեդականներ և քրիստոնյաներ, որովհետև դրանք ունեն մի ընդհանուր ծագում, հավանարար եկող մարդկության հնագույն մտածողությունից:

Ֆեյդիի գործը այսօր էլ ունի իր արժանի շարունակողները: Բոլորովին վերջերս լույս է տեսել հայ հմայական և ժողովրդական աղոթքներին նվիրված մի կոթողային գիրք, որի հեղինակը ՀՀ ԳԱԱ թղթակից անդամ Սարգիս Հարությունյանն է: Այս գիրքը նրա երկարամյա աշխատանքի արդյունքն է և ներկայացնում է ժողովրդական բանահյուսության մեջ եղած հմայական աղոթքների հարստությունը՝ գիտական համապատասխան մեկնություններով²⁵:

Ֆ. Ֆեյդին կատարել է գիտական կարևորագույն աշխատանք: Նախ, նա ի մի է բերել հայկական հմայիլների ձեռագրական հարստության մի մասը, կազմել դրանց մանրամասներով հարուստ ցուցակը և ապա գիտականորեն դասակարգել ու գնահատել դրանք:

Նրա այս աշխատությունը հուշում է նույնը կատարել նաև Մաշտոցի անվան Մատենադարանում պահվող բազմաքանակ հմայիլների հետ՝ կազմելով դրանց նմանօրինակ մանրամասնված ցուցակը և դրանք դնել գիտական շրջանառության մեջ:

²⁴ Դուկաս, Ա, 34–38:

²⁵ Տէ՛ս Հայ հմայական և ժողովրդական աղոթքներ, աշխատությամբ՝ Սարգիս Հարությունյանի, Երևան, 2006:

Ֆ. Ֆեյդիի պատրաստած հայոց լեզվի դասագիրքը, որը երկու անգամ է հրատարակվել, գրված է արևմտահայերենի ուսուցման համար ”Manuel de langue arménienne (Arménien occidental moderne)” (Paris, 1969)²⁶:

Դասագիրքը ծավալուն է, ունի 394 էջ: Գրքի տիտղոսաթերթի դարձերեսին զիսատառերով, շրջանակի մեջ ընդգծված ձևով տպագրված է հետևյալ ընծայականը. «Այս համեստ գործին երկրորդ տպագրություն կը ձոնեմ Երևանի 2750 ամյալին»:

Դասագրքի սկզբում կա համառոտ գեկույց, որը ներկայացնում է դրա ստեղծման երկարատև պատմությունը: Այդ գրքում եղած բոլոր դասերը մեթոդապես անցել են գործնական կիրառման ստուգման ընթացքով, այդ իսկ պատճառով դրանք երաշխափորում են հայոց լեզվի կատարյալ ուսուցումը: Ցուրաքանչյուր դասին կցված վերլուծական հանձնարարականները, սկսած առաջին դասից մինչև վերջինը, հնարավորություն են ընձեռում արագորեն հասնել ուսուցման ցանկալի արդյունքին: Գրքի առաջարան-զեկույցում և ողջ դասագրքում ֆրանսերեն ու հայերեն լեզվի համադրությամբ մշակված է ուսուցման մի մեթոդ, որը, անշուշտ, գիտական առումով եզակի է իր տեսակի մեջ և պետք է հետաքրքրի հայոց լեզվի մեթոդիկայով գրադարձ մասնագետներին, պայմանով, որ նրանք ֆրանսերենի հետ կապված դժվարություններ չունենան:

Դասագրքի «Նախարանը» բնորոշում է հայոց լեզվի հնդեվրոպական լեզվաբնուանիքում ունեցած առանձնահատկությունները: Պայմանավորված Հայաստանի աշխարհագրական դիրքով՝ հայոց լեզուն սերտ շփումների մեջ է եղել իրանյան և հելլենական երկրների հետ: Արդի հայերենը ձևափոխվել է երկու հարուստ լեզուների՝ արևելահայերենի և արևմտահայերենի, որոնք մեծ մասամբ ունեն նույն քերականական կառուցվածքը: Բրենց զարգացման մակարդակով հայերենի երկու ճյուղերը ներկայացնում են լեզվական մեծ հարստություն: «Նախարանում» սեղս անդրադարձ կա հինգերորդ դարի հայոց լեզվին: Ֆեյդին շեշտում է, որ հայերենը - ին մշակված լեզուներից է: Հինգերորդ դարում՝ ազգային այրութենի հայտնագործումից հետո, աստվածաբանությունը և դավանաբանական վեճերը թարգմանիչների գրչի տակ զարգացրել են այդ լեզուն: Հետո հայերենի վրա իրենց կնիքն են դրել խաչակրաց արշավանքները և փոխարարերությունները Լևանտի երկրների հետ: Հայոց լեզվի վրա ազդել են նաև զալթօջախների առկայությունը Եվրոպայում և այլ երկրներում, ուր հայերը շփվել են զարգացած քաղաքակրթության հետ, որի շնորհիվ արդեն 1512 թ. տպարան են հիմնել Վենետիկում: Հայերենը նոր զարգացում է ստացել XVIII դարում, երբ Վենետիկում Սիփրարյանները հիմնեցին իրենց միարանությունը: Բայց XIX դարում հայոց լեզուն լայն գործածության մեջ դրվեց ամենատարբեր բնագավառներում՝ գրականություն, արվեստ, գիտություն, քաղաքագիտություն, տնտեսագիտություն և այլն, բոլոր ճյուղերի գծով ստեղծելով մտային հարուստ բառարան. «Այս տասնինս դարերի ընթացքի հայոց լեզվի կազմա-

²⁶ Մաշտոցի անվան Մատենադարանի գրադարանում պահվող գրքի այս օրինակն ունի Ֆ. Ֆեյդիի հետևյալ ընծայագիրը. «Հայաստանի փառավոր «Մատենադարանին», հարզանոր Ֆրեն. Ֆեյտի, Փարիզ, 22 սեպտ. 1969»:

վորման արդյունքն այն է, որ արդի հայերենը քաղաքակիրթ մի լեզու է, կատարելապես բացառիկ որակի»²⁷:

Ֆ. Ֆեյդիի «Հայոց լեզվի» դասագրքի ամենամեծ արժանիքն այն է, որ հեղինակը լեզվական ուսուցման գործընթացն իրականացնում է հայ ժողովրդի պատմության փաստերին ծանոթացնելուն զուգընթաց, և այդ միահյուսվածության արդյունքը կարևորվում է նրանով, որ օտարազգին, յուրացնելով հայերենը, լիովին պատկերացում է կազմում հայ ժողովրդի պատմական անցյալի մասին. իմանում է նրա ծագումը, զարգացումը, XX դարում նրա ունեցած դերը: Ֆ. Ֆեյդին նմանօրինակ նյութերը քաղում է հայ պատմիչներից, հայ բանասերներից ու պատմաբաններից:

Ֆ. Ֆեյդին իր «Հայոց լեզվի» դասագրքում դրված բնագրերով հիմնավորում է, թե հինգերորդ դարում Մեսրոպ Մաշտոցի հանձարով երևան եկած հայոց այրութենք եղել է իսկական հրաշք, որն ապահովել է հայ ժողովրդի հետագա մտավոր կյանքի ընդհատվող վերելլը»²⁸:

Ֆ. Ֆեյդիի հայագիտական աշխատությունների մեջ մաշտոցյան այրութենի մասին ամենից ավելի հանգամանալի խոր կա 1982-ին, Վիեննայում, Միջիարյանների մոտ հրատարակված "Considerations sur l'alphabet de saint Mesrop et recherches sur la phonétique de l'arménien" («Նկատումներ սուրբ Մեսրոպի այրութենի և հետազոտություն հայերենի հնյունաբանության», 216 էջ) ծավալուն հետազոտության մեջ: Աշխատության նախարան-ազդում Ֆեյդին հայտնում է, թե այս ուսումնասիրությունը բաղկացած է երեք մասից, վերջին երկու մասերը ավելի սերտ շաղկապված լինելով իրար հստակորեն զատվում են առաջինից և իրենց քնույթով, և՝ շոշափած խնդիրներով: Երկրորդ մասում հայագետը քննում է նախ ներքին ու արտաքին քաղաքական հանգամանքները, որոնք ուղեկցում էին այրութենի ստեղծմանը, այն երկարագիր այրութենի, որը հորինվեց, ըստ երևույթին, հունական նոտրգրի ազդեցությամբ:

Հետո զայիս է երկար խորհրդածություն մի հարցի վերաբերյալ, որը նրան չի դադարել մտատանջելուց սկսած այն օրվանից, երբ սկսել է առվորել դասական հայերենը (գրաբարը). «Որոշ լեզուներ վերցրել են պատրաստի այրութեններ և դրանք գործածել, և չպետք է հեշտորեն մոռանալ, որ հայոց այրութենը զոնվում է մյուս այրութեններից տարբեր հանգամանքներում, ստեղծվելով սիստեմատիկորեն մի հին լեզվի համար, այն չունեցավ հնացման իրողություն»²⁹, – գրում է Ֆեյդին:

Եթե XIX դարի և XX դարաւակորդի եկրոպացի հայագետները իրենց զիտական վարկածները, եզրակացությունները, հետազոտության արդյունքներն առաջ քաշելիս վկայակոչում էին Վենետիկի, Վիեննայի, U. Պետերբուրգի, Փարիզի, Բեռ-

²⁷ F. F e y d i t. Manuel de langue arménienne. Paris, 1969, p. XIV.

²⁸ 1963-ին Նյու Յորքում հրատարակված U. U. Պետիկյանի "The Golden Age in the Fifth Century" («Ոսկեդարը հինգերորդ դարում») գրքում Մաշտոցի այրութենի երեան զայը հենց քնորշվում է որպես հրաշք, և այդ խորագրով կա առանձին գործիք. "A miracle" (տէ ն The Golden Age in the Fifth Century, by A. A. Bedikian. New York, 1963, p. 13–22).

²⁹ Տէ ն F. F e y d i t. Considerations sur l'alphabet de saint Mesrop et recherches sur la phonétique de l'arménien. Wien, 1982 (Deuxième édition).

լինի, Մոսկվայի, Էջմիածնի միաբանության հայագետներին, ապա Ֆ. Ֆեյդին հղում է Մայր Հայաստանի նշանավոր լեզվաբաններին՝ ՀՀ ԳԱԱ ակադեմիկոսներ Հ. Աճառյանին, Գ. Զահորյանին, Էդ. Աղայանին, Ա. Ղարիբյանին և ուրիշներին: Ֆ. Ֆեյդին տեղեկացնում է, որ սույն աշխատության առաջին տարբերակը լույս է տեսել քանի տարի առաջ, հետագայում նա վերընթերցել է Հայաստանի գիտնականների գրքերը՝ նվիրված մեսրոպյան այբուբենին՝ հասլավես Էդ. Աղայանի «Նախամաշտոցյան Հայ գրի ու գրականության, մեսրոպյան այբուբենի և հարակից հարցերի մասին» (Երևան, 1977) գիրքը ու հասկացել է, որ ինքն ու Էդ. Աղայանը ունեն ճիշտ և ճիշտ նույն կարծիքը հայոց այբուբենի հետ կապված իննդիրներում: Իր հետ համակարծիք է նաև ակադեմիկոս Գևորգ Զահորյանը: Ահա այս նոր հանգամանքներն ել մեծապես նպաստել են առավել ծավալուն և նորացված երկրորդ գիրքը գրելու մաշտոցյան այբուբենի մասին:

Ֆ. Ֆեյդին աշխատության առաջին մասը կոչել է "A-t-il existe antérieurement un alphabet quelconque ayant servi, à écrire la langue arménienne?" («Նախամայես գոյություն է ունեցել՝ որևէ այբուբեն, որ ծառայել է հայոց լեզվով գրելու համար»): Այս հասլավածում նա հանգամանորեն բանավիճում է պատմաբան Ա. Գ. Աբրահամյանի հետ նկատի ունենալով վերջինիս «Հայ գրի և գրչության պատմություն» (Երևան, 1959) գիրքը³⁰: Ֆ. Ֆեյդիի համար առաջնային է հետևյալ հարցը. նախքան Մեսրոպ Մաշտոցի այբուբենը, կարևոր է իմանալ, եղել է ազգային այբուբեն, թե հայերը փորձել են գրել օտար այբուբեններով: Եվ ահա այդ իննդիրներում ինքը բանավիճելու է Աշոտ Գ. Աբրահամյանի հետ³¹: Ֆ. Ֆեյդին հիշեցնում է, որ հայերի նախնիները՝ ուրարտացիներն, արդեն ունեին սեպազեր, հայերը հետագայում նախընտրել են գրի առավել զարգացած ձևը և դիմել են հունական ու արամեական այբուբեններին:

Լեզվաբանական և հնչյունաբանական բազում և բազմատեսակ քննություններից հետո Ֆ. Ֆեյդին գրքի վերջում գրված եզրակացության մեջ ասում է, որ Մեսրոպ Մաշտոցն իր առջև իննդիր էր դրել ստեղծել մի այնպիսի այբուբեն, որ յուրաքանչյուրին հնարավորություն տա նվազագույն ջանքերով կարդալ ու գրել հայերեն. «Եվ այս իննդիրը նա լուծել է հոյակապ. ըստ որում, 1500 տարի հետո ուղղագրական դժվարությունները մնացել են և չնայած լեզվի էվոլյուցիային՝ ուղղագրական դժվարությունները մնացել են նվազագույն»³²:

Երիտասարդ Ֆ. Ֆեյդիի հայագիտական առաջին ուսումնասիրություններից է Հեթում պատմիչի պատմության վերաբերյալ բանախոսությունը, որը նա կարդացել է 1938 թ. մարտին Փարիզի Հայ երիտասարդների միության հավաքին՝ այն էլ հայերեն: Այս բանախոսությունը մեկ տարի անց հրատարակել է հայ հին և նոր գրականության, հայ մշակույթի, հայ ժողովրդի պատմության մեծ գիտակ և երախ-

³⁰ Տե՛ս Նույն տեղում, էջ 1–32:

³¹ Ֆ. Ֆեյդին գրում է՝ "l'ouvrage d'Achot G. Abrahamian", որպեսզի չշփոթեն լեզվաբան և անվանի գրաբարապես Ա. Ա. Աբրահամյանի հետ:

³² Տե՛ս F. Feydit. Considerations sur l'alphabet de saint Mesrop et recherches sur la phonétique de l'arménien, p. 216.

տավոր Արշակ Չոպանյանը «Անահիտ» մատենաշարի թիվ 2-ում³³: Արշակ Չոպանյանն իր առաջարանում կարևոր փաստեր է հաղորդում այդ բանախոսության կազմակերպման առիթի, ինչպես նաև Հեթում Պատմիչի վերաբերյալ: Պարզվում է, որ բանախոսությունն ունկնդրելու եկածներից շատերն առաջին անգամ են լսել Հեթում պատմիչի անունը և նույնիսկ չեն էլ իմացել, թե Կիլիկյան հայ թագավորության ժամանակահատվածում հայերն ունեցել են մի այդպիսի պատմիչ, որի գործը միջազգային արժեք է ստացել և թարգմանվել է Եվրոպական մի շարք լեզուներով, ու Եվրոպայում այն հոչակալոր էր նույնքան, որքան Մարկո Պոլոյի գիրքը³⁴: Անշուշտ, Ֆեյրիի ուսումնասիրությունը հետագայում հիմք է դարձել ուրիշ հայագետների ու գիտնականների համար՝ Հեթում Պատմիչի վերաբերյալ փաստեր քաղելու խնդրում:

Ֆեյրին գեկուցման սկզբում դնում է Հեթումի պատմության ֆրանսերեն այն օրինակի խորագիրը, որն ինքն ուսումնասիրել է՝ "La Fleur des Histoires de la Terre d'Orient" համար կազմված կամաց առաջնային պատմությունները թաթարների վերաբերյալ, որոնք չափազանց շատ են հետաքրքրում Եվրոպական գիտությանը: Նրա կարծիքով Հեթումի ապրած ժամանակներում (XIII դարի վերջ, XIV դարի սկիզբ)՝ ֆրանսերենը Եվրոպայի կարևոր լեզուներից էր, ավելին՝ «Ֆրանսա տիեզերքի մտավորական մայրաքաղաքն էր և քրիստոնեական վերջին գրավվելիք կեղունական հաստատությունը իրեն քաշելու վրա էր. Պապությունը, որ Ավինեն քաղաքը մեկ դար պիտի կենար Կումես Ե Պապեն սկսյալ»³⁵:

Ֆեյրիի կարծիքով Հեթում Պատմիչի գիրքը ֆրանսիացիներին հայտնի դարձագ Մարկո Պոլոյի երկից հինգ տարի հետո: Հեթումը Ֆրանսիա է գնում որպես "Le Frére Hayton": Նա Օշին իշխանի որդին էր, միշտ իր մեջ ունեցել էր ներքին մի պայքար՝ դառնալ հոգևորական ու ծառայել միայն Աստծուն, թե որպես զինվորական կատարել հայրենիքի նկատմամբ իր պարտքը: Նա Կոռիկոսի իշխանն էր, նրա ժամանակ Կիլիկիան շրջապատված էր թշնամիներով, և պետք էր կովել

³³ Հեթում պատմիչ, հեղինակ «Ծաղիկ պատմությանց արևելյան աշխարհի» գրքին, գրեց Ֆրետերիք Ֆեյտի, Հառաջարան Արշակ Չոպանյանի, Պատկերազարդված Փարիզի Ազգային Սատենադարանի երկու հին ձեռագիրներու մանրանկարներուն վերարտադրութիւններով, Փարիզ, 1939, 26 էջ:

³⁴ Նույն տեղում, էջ 5:

³⁵ Հեթում պատմիչ – ծննդյան և մահվան թվականներն անհայտ, պատմագիր, պետական գործիչ: Հեթումյանների իշխաններից և թագավորական տոհմից: 1294-1305 թթ. հայոց սպարապետ: Վարել է հաղթական մի շարք ճակատամարտեր հարևան մասհետրական իշխանությունների դեմ: 1305-ին սպարապետությունը հանձնել է իր որդի Օշինին, ընդունել կարողիկություն և մեկնել Կիպրոս՝ կրոնավորելու: 1307-ին Կումես Վ պապի հանձնարարությամբ գրել է մոնղոլ-թաթարների պատմությունը: Երկը գրվել է միջնադարյան ֆրանսերենով, ապա վերածվել լատիներենի, հետագայում թարգմանվել ֆրանսերեն, իտալերեն և այլն: 1842-ին Մ. Ավգերյանը լատիներենից թարգմանել է գրաբար՝ կցելով նաև Հեթումի անունով հայտնի ժամանակագրությունը, որն ընդգրկում է արժեքավոր տեղեկություններ Հայաստանի և ասիական ու Եվրոպական պետությունների (1096-1307-ի շրջանի) պատմությունից (տե՛ս Ով ով է, Հայեր, կենսագրական հանրագիտարան, հ. I, Երևան, 2005, էջ 644):

³⁶ Հեթում պատմիչ, հեղինակ «Ծաղիկ պատմութեանց արեւելեան աշխարհի», էջ 7:

նրանց դեմ: Հենց Հայաստանում իսաղաղություն է հաստատվում, նա Կիպրոսում ձեռնադրվում է հոգևորական, իետո իր հարզանքը Կղեմես պապին հայտնելու համար մեկնում է Ֆրանսիա, այնուհետև հաստատվում Պուտիկի քաղաքի վանքում: Հեթումն իր պատմությունը բանավոր պատմել է Nicolas Falcon անունով մի վանականի, որ Հեթումի պատումը գրառում է լատիներենի թարգմանելու նպատակով: Nicolas Falcon-ը իր թարգմանությանը կցում է առաջարան, ուր ասվում է. «Այս գիրքը ես Nicolas Falcon, նախ ֆրանսերեն օրինակեցի, ինչպես Հեթում եղբայրը բերնուց կ'ըսէր, առանց նորերու կամ օրինակի և ֆրանսերենե լատիներենի թարգմանեցի: Եվ այս գիրքը իր ձեռքը ունեցավ Նորին Սրբություն քահանայապետը մեր Տիրոջ 1307 թվականի օգոստոս ամսուն, փառ Աստուծո, Ամեն»³⁷:

Ֆեյին նկատում է, որ պատմական փաստեր հաղորդելուց զատ Հեթումի երկն ունի նաև գրական հատվածներ, որոնց նպատակն է երել ցրել ընթերցողի ուշադրությունը քաղաքական ծանր դեպքերից և առավել հերթարային պատումներով հետաքրքրել նրան: Դրանցից մեկը համարում է Զինգիզ խանի մասին պատմող կտորը, ուր թեև կան պատերազմական նկարագրեր, սակայն գերիշխում է վիպական պատումը: Այն, իրոք, խիստ հետաքրքրի է: Զինգիզ խանը գրավում է բազմաթիվ երկրներ և երբ ձեռնարկում է մտնել ու զավթել հերթական երկիրը, նրան միշտ այդ հաջողվում է: Մի օր Զինգիզ խանը գնում էր վորքրաթիվ զինակիրներով շրջապտված և հանկարծ հանդիպում է թշնամու մեծաքանակ բանակի, որի զինվորներն անմիջապես հարձակվում են նրանց վրա: Զինգիզ խանը խիզախորեն պաշտպանվում է, բայց նրա ձին սատկում է, ու խանի զինվորներին թվում է, թե իրենց զորավարը պիտի բռնվի, փոքրոզի ձևով սկսում են փախչել: Թշնամին հետապնդում է նրանց, առանց նկատելու հետիւտն մնացած խանին: Խանը թաքրնվում է մացառների մեջ: Թշնամիները սկսում են փնտրել նրան, տեսնելով մացառների վրա կանգնած թռչունին, մտածում են. «Այս թռչունը այնտեղ պիտի չկենար, եթե մարդ ըլլար մացառին մեջ»³⁸, և թռղնում հեռանում են: Հեթում Պատմիչը բացատրում է, թե այդ դեպքից հետո թարարները իրենց զլիի վրա՝ ի հիշատակ այդ թռչունի, որ փրկել է Զինգիզ խանի կյանքը, դնում են փետուր:

Ֆեյին կրկնում է, թե Հեթում Պատմիչը թարարների մասին բարեկամարար է խոսում, որովհետև վերջիններս դաշնակցել էին հայերին, բացի այդ, Եվրոպայում թարարների մասին ոչինչ չգիտեին, և Հեթումի գիրքը չափազանց հետաքրքրիր էր Եվրոպայի իշխող դասի համար:

Ֆեյին Հեթումի պատմության մեջ տեսնում է հայրենասեր մատենագրին, որը դիվանագիտական ու փաստաբանական հմտությամբ պապին ներկայացնում է հայրենիքի ճշմարիտ կացությունը, մյուս կողմից, որպես խսկական հոգևորական, երազում է Սուլր երկիրը և Հիտուսի Սուլր գերեզմանն ազատագրել այլաղավան-ներից: Փաստորեն, Հեթումի պատմությունը դառնում է մի համոզիչ աղաջանք՝ ուրդված պապին, որպեսզի վերջինս նոր խաչակրաց արշավանք սկսեր. «Բայց Հեթում պատմիչ չէ միայն. հիանալի փաստաբան մըն է, որ զիտե կացությունը

³⁷ Նույն տեղում, էջ 9:

³⁸ Նույն տեղում, էջ 18:

ներկայացնել, հավատարիմ և անկեղծ կրոնավոր մըն է, որ չի կրնար հանդուրժել, որ Ս. Երկիրը և Ս. Գերեզմանը այլակրոններուն ձեռքն ըլլան, համոզիչ քարոզիչ մըն է, որ Պապին անզամ կը համարձակի աղաչանք մատուցանել և քարոզել, թունդ հայրենասեր մըն է, որ բոլոր քրիստոնյա տերությանց հետ միասին կուզե իր հայրենիքը ազատել, խոհեմ զորավար մըն է, որ նույն խնամքով կը պատրաստե Խաչակիրներուն պատերազմական արշավանքը, ինչպես պատրաստեր է համոզումը»³⁹: Հայագետի կարծիքով՝ Հեթումի երկի առաջին երեք մասերը կայուն մի հիմք են, որի վրա կանգնեցվում է երկի գազաթը՝ խաչակրաց արշավանքի ծրագիրը:

Ֆեյդին Հեթումին համարում է վարպետ պատմիչ, ու թեպետ իմաստ մոտենալու դեպքում նրա երկում կարելի է պատմական ինչ-ինչ սխալներ գտնել, սակայն հեղինակն իր գործին մոտեցել է ամենայն լրջությամբ՝ աղյուրների ստուգությունն անզամ նշանակելով: Ֆեյդին համոզված է, թե բարարների պատմության առաջին մասը մատենագիրը լսել է հենց բարարներից, երկրորդ մասը նրան պատմել է թագավորը, իսկ երրորդն իր աշքով տեսած դեպքերի նկարագիրն է: Հայագետը նշում է նաև, որ Հեթումը այս գործը օտար լեզվով առանց որևէ գրքի նայելու է թելադրել Nicolas Falcon-ին. վերջինս ֆրանսերենով այդ մասին վկայում է՝ "Comme le Frère Hayton me le dictoit de sa bouche sans note ni exemplaire"⁴⁰:

1956 թ. ապրիլի 25-ին Փարիզում Դերյուսիի անվան դահլիճում Ֆրեդերիկ Ֆեյդին հանդես է եկել իր հերթական մեծարժեք գեկուցմամբ, որը կոչվում է «Հայ ժողովրդական էպոս» ("L'épopée populaire arménienne"): Այս զեկուցման մեջ նա անդրադառնում է Սովուս Խորենաց «Հայոց պատմության» մեջ զետեղված առասպելա-վիպասանական հատվածներին, որոնք արդեն լուրջ քննության էին ենթարկվել Մկրտիչ Էմինի, Գրիգոր Խալարյանցի, Մանուկ Աբելյանի և ուրիշների կողմից⁴¹: Ուսումնասիրության մեջ Ֆեյդին հակադրվում է այն բոլոր բանասերներին, ովքեր հայ պատմահոր ապրած ժամանակը տեղափոխում են հինգերորդ դարից մինչև ութերորդը և խստիկ մերժում են նրա պատմության արժանահավատությունը: Նա ոչ միայն այս, այլև իր նախորդ ու հետագա ուսումնասիրություններում Սովուս Խորենացուն համարում է «ոսկեդարի» պատմիչ, որի երկը, նրա կարծիքով, աչքի է ընկնում քննական խոր վերլուծությամբ:

Ֆեյդին Խորենացու պատմության մեջ տեսնում է այն աղյուրը, որը հաստատում է հայ ժողովրդի հնագույն հարուստ բանահյուսության գոյությունը. «Սիա երկու փոքրիկ հատված, որոնք ձեզ գաղափար կտան մեզ հետաքրքրող բնագավառում Սովուս Խորենացու արժեքը, այսինքն՝ նրա ակնարկներով հայտնաբերե-

³⁹ Նույն տեղում, էջ 20:

⁴⁰ Նույն տեղում:

⁴¹ Ֆեյդին չի անդրադաբել իր նախորդների աշխատություններին: Այդ աշխատություններն են՝ Ս. Է մ ի ն. Վեպը հնոյն Հայաստանի, Սովուս, 1850, Սովուս Խորենացին և հայոց հին վեպերը, Թիֆլիս, 1886, Г р. Խ ա լ ա տ յ ա. Արմանսկի էպոս Յակով Արմենի Մուսե Խորենսկու, Մ., 1896; Ս. Ա բ է դ յ ա ն. Հայ ժողովրդական առասպելները Ս. Խորենացու Հայոց պատմության մեջ, Վաղարշապատ, 1899 (տէ՛ս Ս. Ա բ է դ յ ա ն. Երկեր, հ. Ը, Երևան, 1985, էջ 66–272) և ուրիշներ:

լու բանահյուսական մի գրականության գոյությունը»⁴²: Որպես ապացույց իր եղանակացության՝ նա ներկայացնում է Բյուրասազ Աժդահակի առասպելի հետևյալ հաստվածք. «Բայց ի՞նչ ցանկություն է արդյոք, որ ունես Բյուրասպի Աժդահակի անպիտան և անձոռնի առասպելների նկատմամբ կամ ինչու և մեզ նեղություն ես տալիս պարսից անհարմար ու անձաշակ գրուցների, մանավանդ թէ անքանության պատճառով, (ինչպես են) նրա առաջին և անբարի բարերարությունը, դեռի նրա սպասավորելը, վրիպածին ու ստին վրիպեցնել չկարողանալը, ուսերը համբուրելը, այնտեղից վիշապներ ծնվելը, այնուհետև չարության աճումը, փորի համար մարդիկ սպառելը: Հետո մի ուն չրուդենի նրան կապելը պղնձե լարերով և Դմբավանդ կոչված լեռը տանելը, հետո չրուդենի քնելը ճանապարհին, և Բյուրասպի նրան քաշելով բլուր տանելը, չրուդենի զարթնելը և նրան լեռան ինչ-որ այր տանելն ու կապելը և ինքն իրեն նրա առաջ իբրև արձան հաստատելը, որից սարսափահար եղած հնազանդ է մնում շղթաներին և չէ իշխում դուրս գալ և աշխարհն ապականել»⁴³: Ֆեյդին նկատում է, որ Արտավազդը շղթայված Արարատի վրա, նման է Կովկասյան լեռներին զամկած Պրոմեթեսին և Դմբավանդուս բռնված Աժդահակ-Զոհակին: Այս հաստվածի համար նա վերստին կարևորում է բանահյուսական նյութը. «Պառավները սրա մասին գրուցում են, թէ արգելված մնում է մի քարանձավի մեջ, երկաթե շղթաներով կապված, երկու շուն կրծում են նրա շղթաները, և նա ջանք է անում դուրս գալ և աշխարհին վերջ տալ, բայց, ասում են, դարբինների կռանահարության ձայնից կապանքներն ամրանում են: Ուստի դեռ միհան այժմ էլ դարբիններից շատերը, առասպելին հետևելով, կիրակի օրերը երեք կամ չորս անգամ (կռանով) խփում են սալին, որպեսզի, ասում են, Արտավազդի շղթաներն ամրանան»⁴⁴: Որպես փակազճային տեղեկություն՝ Ֆեյդին բերում է Migne-ի *հոլդած* "Dictionnaire des Sciences Occultes"-ից («Գաղտնի գիտությունների բառարան»), որը հետևյալն է. «Սա Շվեյցարիայի պառավների մոտ տարածված առասպել է, ըստ որի Սուլր Բերնարդը բռնվել է դեռից և շղթայվել Քեռվո վանքի շրջակա լեռներից մեկում: Ըստ այս առասպելի, կա մի սովորություն. երկրի դարբինները ամեն երկուշարթի աշխատանքն սկսելուց առաջ մուրածով երեք անգամ հարվածում են սալին, որ դեմ շղթաներն ամրանան, և նա չկարողանա ազատվել»⁴⁵: Ֆեյդին կարծիքով՝ սա Արտավազդի մասին պատմող առասպելի համապատասխան հաստվածի պատճենահանումն է:

Առաջ տանելով բանահյուսական նյութերին վերաբերող իր քննությունը՝ Ֆեյդին հասնում է նաև «Պարսից պատերազմ» հայ բանահյուսական վեպին, որը լայն չափերով օգտագործված է Ազարթանգեղոսի և այնուհետև Փավստոս Բուզանդի կողմից: Նա չի տալիս «Պարսից պատերազմ» վեպի անունը, պարզապես, ըստ Սովուս Խորենացու օգտագործած վիպական նյութերի, խոսում է Արտաշիր Պարսկականի կողմից Պարսկաստանում Սասանյան գերդաստանի հաստատման, ինչ-

⁴² F. F e y d i t. L'épopée populaire arménienne.— «Բազմավեպ», 1957, հունվար-փետրվար, էջ 27):

⁴³ Նույն տեղում, էջ 27-28: Տե՛ս U. Խորենացու պատմություն (այսուհետև՝ U. Խ., Հ. պ.), աշխարհաբար թարգմ. և մեկնաբանումները Սովուս Սալիսասանի, Երևան, 1981, էջ 107:

⁴⁴ F. F e y d i t. L'épopée..., p. 27-28; U. Խ., Հ. պ., էջ 233:

⁴⁵ F. F e y d i t. L'épopée..., p. 36-37.

պես նաև *Տրդատ Մեծի վիպական կերպարի մասին*⁴⁶: Ֆեյդին ներկայացնում է Սասանյանների պետական հեղաշրջման ժամանակ Հայաստանի քաջ արքա Խոսրվի մատնությամբ սպանվելը: Նրա որդին՝ *Տրդատ Մեծը*, մի իսկական վիպական կերպար է նաև ըստ «Խորենացու «Հայոց պատմության»: Նա տիտանական ուժի տեր է, ճարտար է զինաշարժության մեջ. «...կրկեսի մրցության մեջ գերազանցեց... նաև արզիացի Կերասոսից, որովհետև սա եզան կճակը պոկեց, իսկ (*Տրդատը*) երկու վայրենի ցուլերի եղջյուրը մի ձեռքով բռնելով պոկեց և վիզը ոլորելով ջախջախեց»⁴⁷: Ֆեյդին նաև պատմում է, թե ինչպես երբ Պրոբոսը պատերազմում էր գորերի հետ, սաստիկ սով է լինում, ու գորքը նրան սպանում է, իսկ *Տրդատը* մեն-մենակ հաղթում է գորքին: Նաև կրկեսում ձիարշավի ժամանակ, կամենալով կառքը քշել, հակառակորդի ճարպկությունից ցած է ընկնում, սակայն բռնում ու կանգնեցնում է կառքը: *Արանք Տրդատի հեթանոս եղած ժամանակի երիտասարդական սիրազործություններն են:* *Տրդատը դառնում է քրիստոնյա, քրիստոնյա է դարձնում նաև իր ժողովրդին, և ահա դրանից հետո նրա կերպարն այլևս վիպական չէ, այլ ստանում է վկայաբանական գրականությանը հատուկ զծեր:*

Ֆեյդին հինգերորդ դարի պատմիչ *Փուզանդի «Հայոց պատմության»* մեջ *Պապի կերպարում* տեսնում է քրիստոնեական հավատի նկատմամբ ցուցաբերած ուրացության դեպքեր, և ասում է, թե նա ծառայում էր դեկրին, որոնք օձերի կերպարանքով դուրս էին զալիս նրա ծոցից և փաթաթվում ուսերին⁴⁸: Հայագետի կարծիքով սա հիշեցնում է նույնը, ինչ իրանական էպոսում պատմում է Զոհակի մասին: Ֆեյդին իր հետազոտության առաջին հատվածում եզրակացնում է, որ *Մովսես Խորենացին* երեմն հստակ ակնարկներով, երբեմն բնագրային մեջքերումներով ապացուցում է, որ հինգերորդ դարում, նույնիսկ հենց չորրորդում, հայերն ունեցել են իրենց հին վեպը՝ ստեղծված փաղնջական ժամանակներում, որը եղել է ծավալուն ու ոչնչով չի զիշել հնագույն այլ ժողովուրդների էպոսներին:

⁴⁶ «Պարսից պատերազմ». իին հայ ժողովրդական վեպ անվան տակ սովորաբար հայտնի է *Մ. Խորենացու «Հայոց պատմության»* մեջ եղած Վիպասանությունը հնագույն ժամանակի հերոսների մասին: Այդ, ինչպես տեսանք, մասամբ առասպելներ են, մասամբ և առասպելախառն վեպ, որի մեջ պատմական հիշողությունները հասնում են մինչև մ. թ. II դարը: Հայ ժողովուրդն ունեցել է իր ավանդական վեպը և հետագա դարերի մասին ևս: Դա «Պարսից պատերազմն» է: Այսպես կոչում ենք մեր երկրորդ իին վեպը, որովհետև դրա մեջ բանաստեղծորեն պատմված է եղել այն մեծ ու երկարատև պատերազմը, որ դարեր շարունակ մղել են հայերը պարսիկների դեմ իրենց անկախության համար: Այդ վեպի հատվածները մնում են Ազգաթանգերութի, Փ. Բուզանդի, Խորենացու և Սեբեոսի պատմությունների մեջ: Ազգաթանգերութի և Բուզանդի մեջ զունում ենք այդ վեպի ամրողությունը, իհարկե, ուրվագծով միայն և ոչ անպատճառ այն կարգով, որով պատմվել է ժողովրդի մեջ: Խորենացին ու Սեբեոսը լրացուցիչ հասովածներ կամ պատմվածներ միայն ունեն (տե՛ս *Մ. Աբեղյան Ա. Երկեր, հ. Գ, Երևան, 1968, էջ 197*):

⁴⁷ F. Feydit. L'épopée..., p. 37, *Մ. Խ.*, Հ. պ., էջ 265:

⁴⁸ F. Feydit. L'épopée..., p. 37. «Որովհետև երբ մարդիկ ամեն օր զալիս էին թագավորին բարի լուս ողջունելու՝ տեսնում էին որ (դեկր) օձերի կերպարանքով դուրս էին զալիս Պապ թագավորի ծոցից և փաթաթվում էին նրա ուսերին» (տե՛ս *Փափստան Բուզանդի Հայոց պատմություն, թարգմանությունը և ծանոթագրությունները Ստ. Մայլսայանցի, Երևան, 1987, էջ 329*):

1965 թ. նոյեմբերի 7-ին Բրյուսելի Թագավորական Ակադեմիայում կազմակերպվել և անց է կացվել հայոց ցեղասպանության 50-ամյա տարեդարձին նվիրված հիշատակի արարողություն: Հանդես են եկել տարբեր մտավորականներ՝ բնութագրելով հայ ժողովրդի հոգևոր արժեքները տարբեր տեսանկյուններից: Մ. Լեռոյը խոսել է հայերի, հայոց լեզվի և հայ գրականության ("Les Arméniens, leurs langue et leurs litterature"), Ա. Մկրտչյանը՝ Հայաստանի համաշխարհային արվեստի մեջ ունեցած տեղի ("La place de l'Arménie dans l'histoire général de l'art"), Ֆ. Ֆեյդին՝ հայերի ավանդույթների զիսավոր նկարագրի մասին ("Sur les caractères dominants de la tradition arménienne")⁴⁹: Ֆ. Ֆեյդին այս բանախոսությունը սեղմ է, սակայն խիստ տարողունակ: Հայագետն ի պաշտպանություն հայ ժողովրդի շահերի հանդես է զայիս իր հիմնավոր խոր զիտելիքներով, հայ ժողովրդի պատմության, գրականության, մշակույթի, ժողովրդական բանահյուսության, կրոնական ու աշխարհիկ ավանդույթների քաջիմացությամբ: Որպես մեծ մարդասեր՝ նա կամենում է բացատրել քաղաքակիրթ երկրներին, թե թուրքերի կազմակերպած այդ իրեշավոր եղեռնը ինչպիսի կորուստ է եղել ոչ միայն մարդկային ահռելի բանակ կազմող կյանքերի դաժան ոչնչացմամբ, այլև մի լուսավոր քաղաքակրթության կործանմամբ: Հայագետը մտածում է, որ գուցե հայոց ստեղծած քաղաքակրթության ճանաչումը, արգելք կլիներ ցեղասպանությանը: Նա խոսում է միայն փաստերով: Նրա կարծիքով թեպետ հայերի պատմությունը շատ հաճախ աշքի է ընկնում ողբերգական իրադարձություններով, սակայն Հայաստանը շարունակել է անեղծ պահել իր սերք դեպի ազգային ավանդույթները: Որքան էլ պատմական պահի մժնոլորտը դժնդակ է եղել, հայերն իրենց մեջ պահել են անաղարտ մի լույս, որը, դժբախտաբար, զաղտնի, թաքնված է եղել: Հայերենը երբեք չի եղել միջազգային լեզու, սակայն այն իր հարազատությունն ու պայծառությունն է ունեցել՝ թեպետ չի եղել կայսրության լեզու, Հայաստանը չի ունեցել ծովեր ու նավահանգիստներ, որպեսզի ազատորեն զարգացներ առևտուրը, որա հետ միասին արտահաներ իր զաղափարները: Ֆեյդին ցավով նշում է, որ հայկական քաղաքակրթությունը երբեք դուրս չի բերվել երկրի սահմաններից: Միշտ եղել է մի արգելք, որը թույլ չի տվել, որ հայ մտքի լուսավոր ճառագայթը փայլատակի և նշմարելի լինի արտաքին աշխարհի համար: Եվ թվում է, թե այդ արգելքի պատճառով հայոց քաղաքակրթության վրա նետվել է մի սև քող: Ֆ. Ֆեյդին կարծիքով աշխարհի այդ հատվածը ցավալիորեն չափազանց քիչ ծանոթ է Արևուտքին: XVII դ. դասական պատկերացումները ավելացան եզիպտագիտության, ասուրագիտության և ավելի նորագույն հեթիքագիտության շնորհիվ: Սակայն բավականին հաճախ, երբ խոսում են «Վանի արձանագրությունների», ինչպես նաև «ուրարտական թագավորության» մասին, կարելի է ասել, որ հնագետներն ու արևելագետները, որոնք ճշգրիտ ծանոթություն ունեն այդ երկրի քաղաքակրթությանը, դեռևս շատ փոքր թիվ են կազմում: Հայաստանը կցկած է Իրան-Միջազգետք արևելյան շրջանին: Եթե Հայկական լեռնաշխարհի բնակչությանը

⁴⁹ Տէ մ՝ Annuaire de l'Institut de Philologie et d'Histoire Orientales et Slaves". Tom XVII (1963-1965), Bruxelles, 1966, p. 5-29.

քաղաքականապէս չեն ձևավորել մեծ կայսրություն, սակայն քաղաքակրթության առումով նրանք իսականացել են բավականին կարևոր դեր, որպէս տարանցիկ ճանապարհ դառնալով Արևմուտքի և Արևելքի համար՝ իր ազգային հանճարի հայտնագործումները հաղորդելով երկու կողմերին էլ: Ֆ. Ֆեյդին անդրադառնում է հայ ժողովրդի զարգացման բոլոր ժամանակահատվածներին՝ սկսած քարե դարից մինչև XX դար:

Մտավոր եռանդի համար հայրենի հողի վրա ստեղծված էին անտանելի պայմաններ, և զրի ու զրականության օրրան դարձավ Վենետիկը, ուր XVIII դարասկզբին հիմնվեց Միջիարյան միաբանությունը: Այդտեղից գիտական ու մտավոր զարգացումն ուղղվեց Կոստանդնուպոլիս, ուր խեղդվեց 1915 թ. արյան մեջ: Մեծ եղեռնի զոհերի թվում Ֆեյդին առանձնացնում է իր դարաշրջանի աշխարհի նշանավորագույն բանաստեղծներից մեկին՝ Դանիել Վարուժանին, որը փայլուն շրջանավարտն է Գանսի համալսարանի, և նրա պատկերը զետեղված է այդ ուսումնական հաստատության կենտրոնական գրադարանի ընթերցարանում: Հայագետը նշում է, որ հայերի մտավոր զարգացման մեկ ուրիշ կենտրոն ձեռվարդություն XIX դ. կեսերին՝ Ըուսահայաստանում: Ահա այնտեղ է, որ 1965-ին արդեն գործում են Հայաստանի Գիտությունների ազգային ակադեմիան, Երևանի պետական համալսարանը, գիտահետազոտական բազմաթիվ ինստիտուտներ: Ֆեյդին նշում է, որ Երևանի ազգային գրադարանում պահպանվում են տասը հազար ձեռագրեր՝ մեր օրերը հասած քանի հազար ձեռագիր մատյաններից: Զարմանալի է, որ դարերի ընթացքում քաղաքական անկայուն վիճակում հայտնված Հայաստանում պահպանվել են քանի հազար ձեռագրեր և հասել նոր օրերը⁵⁰:

Խոսելով «Սասունցի Դավիթ» էպոսի մասին, Ֆեյդին ասում է, որ այն առավել կատարյալ ձևով հասկանալու համար կարդացել է նաև այլ ժողովուրդների էպոսները: Նա չի տալիս մի էպոսի վերնագիրը, որն իրեն ցնցել է: Այն ստեղծված է կենդանի և աշխույժ ոճով, սակայն իր բովանդակությամբ խւկական հակապատկերն է «Սասունցի Դավիթ» էպոսի, որովհետև այդ ստեղծագործության մեջ գործողությունների շարժիչ ուժը վայրենությունն ու խորամանկությունն է՝ ի սպաս դրված կողոպուտիին⁵¹: Ֆեյդին տեսնում է չափազանց մեծ տարբերություն

⁵⁰ «Սաշտոցի անվան հին ձեռագրերի ինստիտուտ-«Սատենադարանը» աշխարհի հնագույն և ամենահարուստ մատենադարաններից մեկն է: Նրա միայն հայերեն ձեռագրերի հավաքածուն այսօր բովանդակում է 10171 ամբողջական ձեռագրեր և 1683 ձեռագիր պատառիկներ: ...Ինչպէս հայտնի է, մեր Սատենադարանի հայերեն ձեռագրերի հավաքածուի հիմքում ընկած է Էջմիածնի նախկին գրատան հավաքածուն, որի պատմությունը գրեթե սկսվում է դարաշրջան կազմող այն օրվանից, երբ հայ ժողովրդի բազմերախտ զավակ Մեսրոպ Մաշտոցը ստեղծեց հայկական գիրը և հիմք դրեց ազգային մատենագրության:

Լինելով հայ պետականության ու հոգևոր կյանքի կենտրոն՝ քաղաքամայր Վաղարշապատը հինգերորդ դարի վաղ արշալույսին հանդիսացավ այն մտավոր կենտրոնը, որի դպրոցներից դուրս եկած սաները մեսրոպյան անմարելի լուսով ողողեցին ողջ Հայաստանը հետևող սերունդներին ավանդելով դասական այնպիսի մի մատենագրություն, որը հայ ժողովրդի ելեջներով հարուստ պատմության ամբողջ ժամանակաշրջանում միշտ հույսի ու ոգևորության անսպառ ալբյուր հանդիսացավ» (տէ ս Յուցակ ձեռագրաց Մաշտոցի անվան Մատենադարանի, հ. Ա, էջ 14):

⁵¹ F. F. e y d i t. Sur les caractères dominants de la tradition arménienne, p. 19.

այդ էպոսի հերոսների և Սասնա դյուցազունների վարքագծի միջև։ Հայագետն ասում է, որ ինքը ծանոթ է ոչ միայն «Սասունցի Դավիթ» էպոսի համահավաք բնագրին, այլև տարրեր պատումներին։ Ուշադիր քննելով ողջ էպոսը՝ ինքն եկել է այն համոզման, որ երրորդ ճյուղը ստեղծվել է միջնադարում, սակայն նրա հիմքում ընկած են առավել հին ժամանակների դեպքեր։ Դավիթն իսկական ասպետ է, որը կատարում է գեղեցիկ ու նշանավոր գործեր։ Նա իր հակառակորդի նենգության դիմաց, որն իրեն նետել էր խոր փոսի մեջ, վրան քաշել յոթ ջաղացքար և յոթ գոմշի կաշի, զիջում է երեք զարկերից երկուսը։ Մեն-մենակ կովելով թշնամու բանակի դեմ՝ նախապես նրան զգուշացնում է իր հարձակման մասին, որ թշնամին անակնկալի չգա, և անմիջապես դադարեցնում է կոտորածը, երբ իմանում է, որ Մելիքը կովողների մեջ չի։

Մեծ հայասեր ու մարդասեր զիտնականի այս բանախոսությունը չի կորցրել և չի կորցնելու իր նշանակությունը. այն հիմնավոր ձևով դատապարտում է մարդու և որևէ ժողովրդի դեմ ուղղված ամեն մի ոճրագործություն։

1960 թ. օգոստոսի 21-25-ը Լուվենում, ապա 26, 27-ին Բրյուսելում տեղի է ունեցել բարբառագիտությանը նվիրված առաջին միջազգային զիտաժողովը, որի ընթացքում (23 օգոստոսի) Ֆ. Ֆեյդին հանդես է եկել հետաքրքիր զեկուցմամբ։ Այն կոչվում է «Հայ բարբառագիտության ինդիքներն ու օգտակարությունը» ("Problèmes et utilité la dialectologie arménienne")։ Ֆեյդին ասում է, որ ինքը ծանոթ է հայ բարբառներին։ Նախ, Ֆրանսիայում և Արևմտյան Եվրոպայում ապաստանել են շատ հայեր եկած Հայաստանի բոլոր զավառներից, որոնք բերել են իրեց բարբառները, և կարելի էր նրանց դիմել զիտական հետաքրքրությունը բավարարելու համար, բացի այդ, երկար տարիներ ինքը ուսումնասիրել է Երվանդ Լալայանի «Ազգագրական հանդեսը», որում եղել են բարբառներին նվիրված հոդվածներ։ Ֆեյդին հիշեցնում է իր թարգմանական աշխատանքը՝ կապված «Սասունցի Դավիթ» էպոսի հետ։ Համահավաք բնագիրը, որ թարգմանում է ինքը, կազմված է հիսուն պատումներից, որոնք գրառվել են Արևմտահայաստանի տարբեր զավառների բարբառներով պատող ասացողներից։ Համահավաքի կազմողները ձգտել են էպոսի լեզուն հասցնել առավել քան ոյուրրմբոնելի լինելուն։ Ինքը, այդ բնագրին շարունակ առնչվելով, յուրացրել է նաև այդ բարբառները։

Ֆեյդին բացատրում է, որ բարբառագիտությունը լեզվանության կարևոր բնագավառներից է, և ամեն լեզու այդ բնագավառում ունի իր ինդիքները։ Եվ քանի որ ինքը մշտապես զրադվել է հայերենով, ապա կիսուի հայ բարբառագիտության մասին։ Հայագետը քաջատեղյակ է հայ բարբառագիտության զարգացմանը։ Առաջին հայագետը, որը զրադվել է հայերենի բարբառներով, եղել է հոլանդացի Շրյոդերը, որը 1711-ին Ամստերդամում հրատարակում է "Thesaurus linguae armeniae antiquae et hodiernae" աշխատությունը։ Նրանից հետո հայ բարբառներին անդրադարձել է Շահան Զրպետը (Եվրոպացի) իր Քերականության մեջ ("Grammaire de la langue arménienne", Paris, 1823), այնուհետև լույս է տեսնում Գեորգ Ախվերդյանի մեծարժեք գործը՝ նվիրված թիֆլիսահայ բարբառին՝ Սայաթ-Նովայի ընարերգության առիթով (Սոսկվա, 1852)։ Հայերենի բարբառներով զրադվել է Վիեննայի Միխիարյաններից նշանավոր քերական Արևեն Այտքնյանը իր "Gram-

maire critique de l'arménienne moderne” աշխատության մեջ անդրադառնալով մի շարք բարբառների: Ֆեղիի կարծիքով հայ բարբառագիտությունը հենց Աճառյանին է պարտական բազմաթիվ բարբառների բազմահմուտ ու բազմագիտակ բնութագրման համար, որը կատարվել է երևելի մեթոդով: Այնուհետև նա խոսում է 1960-ական թվականների Երևանի բարբառագիտական դպրոցի մասին, որը բարձր մակարդակ ունի, և այն առաջ են մղում Աղայանը, Ղարիբյանը, Վերջինս այդ ճյուղի դեկավարն է: Նա այս լեզվաբաններին կոչում է մեծ լեզվաբաններ: Ֆեղին հարց է տալիս, թե ո՞ր է տանում լեզվաբանին հայ բարբառագիտությունը: Հարցին պատասխանում է Արարատ Ղարիբյանի հիմնավորմամբ, թե որևէ լեզու անհնար է ուսումնասիրել, առանց հետազոտելու նրա բարբառները:

Հայագետն օրինակներով բացատրում է, թե որքան կարևոր է բարբառների օրինաչափություններն իմանալ հայերենի հնդեվրոպական լեզու լինելու հիմքերը ստուգաբաննելու խնդրում: Կան հնդեվրոպական ծագում ունեցող հայերեն բառեր, որոնք առավել հարազատ են մայր լեզվին բարբառներում, քան դասական գրաբարում: Օրինակ, նապաստակ – լիներ բառը բարբառներում կա lapstrak ձևով: Իսկ լատիներենում այն lepus, leporis ձևերն ունի: Բարբառներում մայր (maman) բառի համար օգտագործվում է nana, nane, nani ձևերը: Նա բազմաթիվ օրինակներ է բերում «Սատունցի Դավիթ» էպոսից և Սոլոսի բարբառից՝ ապացուցելով, թե բարբառները կապ ունեն ոչ միայն հնդեվրոպական արմատների, այլև այլ լեզվաբանակիրներին պատկանող թուրքերն և արաբերեն լեզուների հետ: Նրա կարծիքով բարբառների ուսումնասիրությունը հայերենի համար առաջացնում է բազմաթիվ խնդիրներ, որոնցից մեկը գրաբարի մեջ նրանց տարրերը չգտնելն է:

Ֆ. Ֆեղին իր ուշադրության կենտրոնում է պահել նաև հայ նոր գրականության դրսնորումները՝ հատկապես արևմտահայերենով ստեղծագործող հեղինակներին: 1960 և 1961 թվականներին «Բազմավեպում» հանդես է եկել մի հետազոտությամբ, որն անվանել է ”La Comédie et la Satire en Arménie” («Կատակերգությունը և երգիծանքը Հայաստանում»): Այս ուսումնասիրությունը նվիրել է հայ երգիծական գրականության երկու զագարներին՝ Հակոբ Պարոնյանին ու Երվանդ Օսյանին: Ֆրանսերենով շարադրված հետազոտությունը վերստին նպատակ ունի եվրոպացի ընթերցողին ծանոթացնել հայ նոր գրականության մեջ երգիծանքի զարգացմանը և խիստ հպանցիկ տեղեկություն տալ հայ թատրոնի պատմության վերաբերյալ: Հողվածն ունի ենթավերնագիր՝ “Baronian et Odian” («Պարոնյան և Օսյան»): Նախքան հայ երկու երգիծաբաններին անդրադառնալը նա յուրօրինակ ձևով ընթերցողին ներկայացնում է հայ թատրոնի անցած ուղին: Ակտում է Պլուտարքոսից, որը պատմում է, թե իր ժամանակ թատրոնը շատ հարզի էր հայոց արքունիքում և նոյնիստ Տիգրանի որդի Արտավազդ Երկրորդը հունարենով թատրոնի համար պիեսներ է գրել⁵²: Հայագետը նկատում է, որ այդ շրջանի Հայաստանի մշակույթը կրում էր հելլենիզմի կնիքը, իսկ բանավոր գրականությունը զարգանում էր ժողովրդա-

⁵² F. F e y d i t. La Comédie et la Satire en Arménie, Baronian et Odian.– «Բազմավեպ», 1960, թիվ 7–8, էջ 167:

կան բանահյուսների և հազներգուների կողմից: Գուցե այդ ժամանակ եղել է նաև ժողովրդական թատրոն ևս, որն իր ներկայացումները հայերենով էր վարում: Հաստատ է մի իրողություն, որ այդօրինակ թատրոնը գոյություն է ունեցել՝ Հայաստանում քրիստոնեության ընդունումից հետո: Եվ Հովհան Մանդակունին՝ հայոց կաթողիկոսը, անարգել է այդ խաղերը⁵³: Հայագետը նշում է, թե այդ հնագոյն հայկական թատրոնից մեզ չի հասել որևէ բնագիր՝ կատակերգական կամ ոլրերգական: Հայոց եկեղեցին այնքան թշնամաբար էր տրամադրված այդ թատրոնի նկատմամբ, որ այն զարգացել է մի զաղտնի կյանքով և երկար էլ չի տևել, որովհետև վեցերորդ դարից հետո նրա մասին այլևս չի խոսվում: Ֆեյդին նկարագրում է խակական Մոլիերի հանդես զալը հայ թատերական կյանքում: Դա Հակոբ Պարոնյանն էր: Ըստ Ֆեյդիի՝ Պարոնյանից առաջ հայոց թատրոնը ձիշտ նույն վիճակում էր, ինչ վիճակում էր ֆրանսիականը՝ Մոլիերից առաջ: Հ. Պարոնյանի առավել նշանակալի գործերը համառոտ ներկայացնելուց հետո Ֆեյդին նշում է գրողի ամենանշանավոր երկը՝ «Մեծապատիվ մուրացկաններ» վեպը: Թեպետ երկը ներկայացված է որպես երգիծական վեպ, իրականում այն մի կատակերգություն է՝ բաղկացած ծիծաղաշարժ երկխոսություններից: Վեպի գործող անձիք դրվագային են, կենտրոնականը զլիսավոր հերոսն է և նրա հյուրը նկալը: Ավարտելով Հակոբ Պարոնյանի կյանքի և ստեղծագործության վերլուծության համառոտ նկարագիրը՝ նա անցնում է Երվանդ Օսյանին: Վերստին սկսում է գրողի կենսագրությամբ: Ֆեյդին Օսյանին որակում է որպես մեծ վիպասան և նորավեպի վարպետ, որի գրական մեթոդը ռեալիզմն էր: Նրա վեպերի դեպքերը քաղված են Կ. Պոլսի միջավայրի կյանքից: Նա երգիծական բնույթի վիպասան է: Օսյանը կարողացել է ստեղծել երգիծական կենդանի դեմքեր, որոնց քաղել է իրական կյանքից:

Ֆեյդին երկու խոսքով կամենում է բնորոշել հայերի դարավոր մղումը դեպի արևմտյան քաղաքակրթությունը: Հնագոյն ժամանակներում հայերը իրենց համար ուղեցույց ընտրեցին հելլենիզմը, իսկ քրիստոնեության ընդունումից հետո դարձան ընդհանուր քրիստոնեական մշակույթի ու գրականության կերտողներից: Խաչակիրների արշավանքների ժամանակ Կիլիկյան հայկական թագավորությունը կողմնորոշվեց դեպի Եվրոպա: Այդ կազմը թուլացավ 1375-ին՝ այդ

⁵³ Հ. Մանդակունին գրում է. «Այլ և զայլ ևս ազգի կերպարանս չարեաց ասել չեմ բաւական, զոր թատերքն ուսուցանեն, զամբարտաւանութիւն, զիայիութիւն, զնենգութիւն, զմեխմեխութիւն, զշարակնութիւն, զնախանձ, զբամբասանս, վասն որոյ զեղուն պատուհասքն Աստուծոյ ի վերայ երկի, որ սաստիկ սրտմութեամբն ի տանջանս դատապարտէ: Միա զայս ամենայն անօրենութիւնս ստանան, որք մտանեն ի թատերս խաղուցն և աճեցուցանեն ի մարմինս խրեանց զշար պատուղ սերմացն սատանայի»: ...«Զի ուր կատակը և գուսանը են և խաղ և ծաղր լկտիք, անդ և դեր ընդ նոսա ի պարու անցանեն և սերմանեն բազում աղտեղութիւնս ի միտս գեխեցելոյն...: Չորս պարտ էր իսկ բազում քարամբը քարկոծել և յաշխարհէ հապածել զնոսա առեալ գեխելոցն ի խաղարանս զրուանին, յորս մտանեն ողջանդամբ և ելանեն վիրաւորեալք» (տե՛ս Հ. Մ. Պոլսի մատուցությունը՝ 1860, էջ 133–134):

թագավորության անկումից հետո, որին հաջորդեց նոր հարված՝ Կոստանդնուպոլիսի գրավումը թուրքերից ու թուրքական լծի հաստատումը:

Հ. Պարոնյանի և Ե. Օսյանի ստեղծագործությանը տված իր զնահատականները Ֆեյդին եզրափակում է սի ամփոփիչ մտքով, որը կարևոր է հայ գրականագիտության, ինչպես նաև համաշխարհային գրականության պատմության տեսարանների համար. «Իմ եզրակացությունը կլինի շատ սեղմ: Պարոնյանի և Օսյանի շնորհիվ կատակերգությունը և երգիծանքը հայերի մոտ հասավ կատարելության, և այս երկու վիթխարի գրողների գործերն արժանի են դրվելու մարդկության ընդհանուր գրական ժառանգության մեջ՝ Արևմուտքի գրական գլուխգործոցների հետ կողք կողքի»⁵⁴:

Ամփոփենք. Յ. Ֆեյդին հայ ժողովրդի մեծ բարեկամն է, ճշմարտության ու գիտական արժեքների իսկական պաշտպանը: Նա իր ուսումնասիրություններով ապացում է, որ հայ ժողովուրդն իր նշանակալի ավանդն ունի քաղաքակիրք մարդկության մշակույթի, գիտության ու գրականության պատմության մեջ, և այդ իրողությունը համայն աշխարհը պետք է ընդունի:

КОРИФЕЙ ФРАНЦУЗСКОГО АРМЕНОВЕДЕНИЯ И БОЛЬШОЙ ДРУГ АРМЯНСКОГО НАРОДА (К 100-летию со дня рождения Фредерика Фейди)

АЭЛИТА ДОЛУХАНЯН

Р е з ю м е

Фредерик Фейди (1908–1991) более 50-и лет посвятил арменоведению. Круг его научных интересов был широким: армянский фольклор, средневековые армянские историографы, вопросы, связанные с Маштоцем и созданным им алфавитом, представители новой армянской литературы. Фейди написал прекрасный учебник западноармянского языка. В 1986 г. был издан монументальный труд “Амулеты христианской Армении”. Он поддерживал теплые отношения с мхитаристами Венеции и Вены, часто посещал Советскую Армению, у него были постоянные связи с Матенадараном и учеными Национальной Академии наук Армении. Фейди изучал творчество Даниела Варужана, Акопа Пароняна, Ерванда Отяна, которых считал великими в мировом масштабе, перевел на французский язык эпос “Давид Сасунский”, считая его одним из лучших мировых эпосов. Он своими исследованиями раскрывает общечеловеческую суть армянской литературы и искусства. Фейди был самоотверженным защитником Ай дата.

⁵⁴ F. F e y d i t. La Comédie et la Satire en Arménie..., p. 167.

THE LEADING FIGURE OF FRENCH ARMENOLOGY AND THE
GREATEST FRIEND OF THE ARMENIAN PEOPLE
(To the centenary of Frédéric Feydit's birth anniversary)

AELITA DOLUKHANYAN

S u m m a r y

For more than half a century Frédéric Feydit (1908–1991) has devoted himself to Armenology. He was interested in Armenian folk-lore, medieval Armenian historiographers, more precise scientific definition of the Armenian alphabet of Mesrop Mashtots, the representatives of Armenian new literature. Feydit wrote a wonderful textbook of the West-Armenian Language. About fifty years he has dedicated to the study of the amulets of Christian Armenia and in 1986 his monumental work "Amulettes de l'Arménie chrétienne" with scientific original texts, preface and rich commentaries was published. The Armenologist was in good relations with the Mekhitarist Congregation Fathers of Venice and Vienna, often visited Soviet Armenia, established relations with the Armenologists of Armenia. Feydit's main work was the translation of the complete original text of the epos "David of Sassoun", considering it one of the best eposes of the world. The great Armenologist studied Daniel Varouzhan's, Hakob Paronyan's, Yervand Otyan's works and considered them writers of world-wide significance. Through his studies he proves that the Armenian people have their considerable contribution to culture, science and history of literature of civilized mankind and the world must accept this fact. Feydit was a selfless defender of Hay Dat.